

**Yìèn tə, Yu nə biri Zwan nə, ʋ  
ma gúrí  
‹Apokalisə›  
Apokalisə sagɪ tə yuu wa  
sugv**

*Lìù tə, ʋ nə púpúní sagɪ kv tə*

Lìà zənzən buja də, kv yɪ Zwezi karbiu Zwan nə púpúní kv. Mə ʋ mù Zwan təntə tətə nə púpúní Zwezi-*\*Kərisə* suywánú tə. ʋ yà kwɪn zənzən máná tə wa, ʋ nə púpúní sagɪ kv tə. Ba yà jɪn wá, ba ja va ba dɔgv Patəmɔsə nə, kv nə yɪ muv tətəŋi nagwanaa.

*Lìà tə nə, ʋ nə púpúní*

Zwan púpúní sagɪ kv tə ʋ pa *\*Kərisə* là púló tə nə, là tə nə dé càn tə wa, ba nə ken ba waa Zwezi-*Kərisə* nə yɪɪ. Kv máná tə wa, də *\*Romə*-ba yà kəni càn *Kərisə* là tə nə.

*Sagɪ tə wa sugv*

*\*Kərisə* là tə vànà wulə tə gwàrì. Ba ba *Kərisə* na də ʋ biàn, sə ʋ dé diàn lwanɪ yuu wa.

Zwan púpúní ba nə, sə ʋ ma dàn ba jìàn zənzən, ba nə ken ba waa Zwezi-*Kərisə* nə, ba ga ja yala də wá yɪɪ. Zwan pìà, sə ʋ twá nətʋ, ʋ ma biri də lwanɪ yɪ, ndə tə diàn dwə won mama. Yá Zwezi-*Kərisə* yɪ lɔv mama pìú, ʋ mù cɪcɪ ga nə yɪ *\*Yuu-Tiu*. ʋ pàrì tə dwə tɪa yuu pèegá tə pàrì tə. Kv wá twá də ʋ mù Yu də là tə, ba nə

yi Yu nè ti ma dé diàn míámíán diun don nè. Sagɪ kɔ tɛ wa yìèn tɛ Yu nè biri, kɔ yi, sɛ tɛ san nèba, sɛ nè lwarɪ yìèn tɛ mama, nè wá twá Kərisə tɔtɔɲɪ tɛ dɛ ɔ ka bwin ka nan tian wa tɛ nè, tɛ ma bà. Tɛ wá bà síún nè, dɛ máɲá tɛ ka nè biàn, tɛ pa lià tɛ mama nè, ba yi ɔ nyièn tɛ.

*Sagɪ tɛ yuu wa sɔgv  
(Apokalisè 22.6-10)*

<sup>1</sup> Sagɪ kɔ tɛ yi yìèn tɛ, Yu nè pɪn Zwezi-\*Kərisə nè, sɛ ɔ biri ɔ tɔtɔnbɪa tɛ nè, sɛ ba ma lwarɪ, kɔ tɛ nè mɛ, sɛ kɔ bà síún síún. Zwezi tɔn ɔ \*maluka, sɛ kɔ swìn tɛ yìèn tɛntɛ, kɔ biri à mù Zwan nè, à nè yi ɔ tɔtɔnbɪu. <sup>2</sup> À mù Zwan swìn kɔ tɛ mama, à nè nɪ, à ga swìn Yu sɔgv tɛ, ɔ nè pɪn Zwezi-Kərisə nè, sɛ ɔ biri nè. <sup>3</sup> Pupwən liù nè yi liù tɛ, ɔ nè kàrì dɛ ba tɛ, ba nè cuga sagɪ kɔ tɛ yìèn tɛ, ba ga sɛɛ tɛ sùràn tɛ nii. Tɛ yi Yu nii sùràn. Tɛ yìèn tɛ dɛ máɲá ga bwələ.

*Zwan jònì Kərisə lià púlé barpe tɛ nè wulə  
Azi nè  
(Apokalisè 5.8-13; Matìə 24.30-31)*

<sup>4</sup> À mù Zwan nè púpúní à pɪn á mù, \*Kərisə lià púlé barpe tɛ nè, tɛ nè wulə Azi nagwanaa wá.

Yu nè wá fwa pubwanɔ á yira, ɔ ga pa aba bɪcan sié. Ʋ mù nè yi liù tɛ, ɔ nè yɪn lá fuən fuən, ɔ nè wulə, ɔ ga tɛ biàn. Ʋ \*Siɲən barpe\*, tɛ nè wulə ɔ padaɔ tɛ yáá con, nè wá fwa pubwanɔ á yira, kɔ ga pa aba bɪcan sié dɛ.

\* **1:4** 1.4 Kɔ yi Yu-Sɪɲu nəɔv tɛ dɛ kɔ diàn barpe.

<sup>5</sup> Zwezi-Kërisə də wá fwa pubwanv á yura, v ga pa aba bican sié. U mù nè yì liù tə, v nè swìn Yü cígá tə v biri də pùé nəd. U mù nè yì təntən liù, v nè nan, v mù ga nè dí yáá v bwin v nan tian wa. U mù dàñ nè yì tia yuu pèegá me yuu tíú. Zwezi-Kërisə swə nəba, yá v tıga, v jana ga nan, v ma jon nəba nè cuna wa. <sup>6</sup> U dàñ tə pın, nè twá nè yì Yü pàrì tə là. U tə pın nè jì Yü \*jonwana, sə nè tın nè pa v nyina Yü nè. Dun də diàn me, sə tə ya v mù Zwezi-Kërisə nyien, máná də máná, kv nè ba zwèe. Amına!

<sup>7</sup> Á cuga zəni, v nan bakwan tə wa, v ma biàn. Ləzwənə mama wá na wá də ba tə tətə ba nè zuə wá ba pórı†. Yá dwíé tə mama tia yuu wá kwi yinəgə kurə v yırı. Kv yì cígá nə! Amına!

<sup>8</sup> \*Yuu-Tiu Yü nè swìn, v wú: «À yì Aləfa də Omega, kv mù nè yì təntən də talıkwə liù. À mù nè yì liù tə, v nè yın lá fuən fuən, v nè wulə, v ga biàn. À mù nè wulə tə me yuu wa».

*Zwezi-Kërisə pın, Zwan na wá v dun tə wa*

<sup>9</sup> À mù Zwan yì á nubiu \*Kërisə yırı, à də ga dé càn zənzən də aba. À mù də aba yì Yü pàrì tə là. Á mù də à mù twá də Zwezi, nè na pínú wuuu, nè dànà ká pıı nè kə nè kwa. À mù yì ba jın nè, ba ja va, ba dugv Patəmçsə nè mvv tətəñi wa, à nè swìn Yü sugv tə, Zwezi-Kërisə nè biri nè tə yırı. <sup>10</sup> \*Yuu-Tiu diun‡ tə nè, Yü-\*Siñu tə twi, kv sú nè, à ga nì kori don à kwa, kv nè swìn də diàn, ndə nabwana kori nè, <sup>11</sup> kv swìn, kv

† **1:7** 1.7 Ywàñ Zwan 19.17-37. ‡ **1:10** 1.10 Kv diun təntə yì laadi diun tə.

wú: «Kv tē, n nē na, púpúní kv, n kē sagi wa, n ga tūn kv, n pa, kv va Kērisē lià púlé barpe tē wa. Kērisē lià púlé barpe tēntē wulē: Efezē, dē Sēmīrēnē, dē Pērēgamē, dē Tiatirē, dē Sarēdē, dē Filadelōfi, dē Lawodise tian tē wa».

<sup>12</sup> À pīi à vōvēri, sē à lwarī liù tē, v nē swīn à con. À nē vōvēri à zwēe, à nī sían canzulan barpe tē zīga. <sup>13</sup> Yá won dān zīga tē canzulan tēntē tētēji wa, kv nē yīn ndē lēzwēnē nē. U yà zva ganzudarv, kv cú kv ja v napīra nē, v ga vwē sían voru v nyūni nē. <sup>14</sup> U yukūran yà yī nēpon ndē gumuē nē, parī tētētē. U yíá yà yī ndē mēnvoo nē. <sup>15</sup> U nēe yà yī ndē cūtia lugu nē, kv nē sīàn, kv nan mēn wa. Yá v kori dē yà yī ndē níá nē dáá, tē ga curi nē. <sup>16</sup> U yà jē kacīlaccē barpe v jizēn jūn tē wa. Lagurī sīú, kv nē jē níó bēlē fūla fūla, yà naŋa v nii wa. U yáá yà yī ndē yī nē bīga, yīcav ga twēŋē yíá wa nētū.

<sup>17</sup> À nē nī wá, à tua v nēe nē ndē à tīga. U ma tūn v jizēn jūn tē à yuu wa, v ga swīn, v wú: «Dān ká pa fēn ja mú! À mù nē yī tēntēn dē talūkwa liù, <sup>18</sup> à yī liù tē, v nē wulē mī wa. Á cuga zēni, à yà tīga, yá à dān pīi à bwin, à wulē mī wa, mánjá dē mánjá, kv nē ba zwēe. À jē tian dē tīga bwálí mimii mē borbīa à jīàn wa». <sup>19</sup> N dān púpúní yīèn tē, n nē nī n tūn. Kv mù nē yī kv tē, kv nē wulē kv tūŋa sīún nē, dē kv tē nē wá bà, kv tūn mē, n tūn. <sup>20</sup> À wá bīrī mú yosēgu tē, kv nē wulē kacīlaccē barpe tē, n nē nī dē, à jē à jizēn jūn wa dē sían canzulan barpe tē yuu

wa. Kacılacε barpe tε bırı \*malıke§, tε nε pıà tε bırı Kεrisε lià púló barpe malıke tε. Yá canzılan barpe tε dε yı Kεrisε lià púló barpe tε nε ku bırı.

## 2

*Sagı tε, ku nε mε, sε ku pa Efεzε Kεrisε lià púlí tε nε*

*(Tıtınan 20.17, 28-31; Efεzε tıán 1.15-16; 5.2; Ebεrε-ba 6.10-12)*

<sup>1</sup> Liù tε kúò swın à con, υ wú: «Púpúní, n pa \*malıka tε nε, ka nε pıà ka bırı Efεzε \*Kεrisε lià púlí tε.

Púpúní dε, sugυ ku tε yı liù tε, υ nε jε kacılacε barpe tε υ jızın jın wa, υ ga vėli síán canzılan barpe tε tətəñi wa, nε swın ku:

<sup>2</sup> À yèó á tutıneε nε yı nεtu. À ma yèó á kajaņa nε yı nεtu. À tε ga yèó, á nε jε pínú wuu, ku pa á wà pıí á kə á kwa nεtu. À yèó dε á wàri wılnyına á píní. Á dédón lià tε, ba nε wú, ba yı Zwezi-Kεrisε \*tıntuna, yá ba ga tà ku, á na dε, ba yı kunkuna. <sup>3</sup> Á jın pínú wuu, ku pa á wà pıí, á kə á kwa. Á dí càn à yıri, yá á jın ga wə gwàri. <sup>4</sup> Yá ku tε, à dån nε caga á nii nε ku yıri síún nε, ku mù nε yı á nε kúò ba nε swə ndε ku nε yıri nεtu ku jıı nε.

<sup>5</sup> Á piré á líí á tıàn dε, á yà fwa zəni jıı mama, yá á pıí á kə á kwa. Á dån vəvərə á kwa, á ma sá á cuna tε, sε á ga fwa ku tε, á yà nε fwa ku jıı mama. Á nε wə lwàń, à wá bà á con, à

---

§ 1:20 1.20 Dε ba nε wú malıka, ku yı Kεrisε lià púlí tε mama yoo, ku swın.

li á cànú tē kv bwálí tē wa. <sup>6</sup> Yá yozəŋu tē, á nē wulə kv wa, nē yí, á nē culi Nikolayitə-ba tətəŋε tē, ndə à dē nē culi tē nətə.

<sup>7</sup> Liù mama dān mε, sē v kē diàn, v sūrí v zian, sē v ma cəgv kv tē, Yí-\*Siŋu tē nē swìn Kərisə lià púlí tē con. Liù tē nē, v nē wá dé diàn lwaní yuu wa, v zv Yí sàh tē wa, à wá pa v dé tìú bia tē, tē nē pín mi».

*Sagí tē, kv nē mε sē kv pa Səmirəŋə Kərisə lià púlí tē nē*

*(Matíə 5.10-12; Zwakə 1.12)*

<sup>8</sup> Liù tē kúv swìn à con, v wó: «Púpúní, n pa \*malika tē nē, ka nē pià ka birí Səmirəŋə Kərisə lià púlí tē yuu.

Púpúní dē, svgv kv tē yí liù tē, v nē yí təntən dē talukwa liù nē swìn kv. U mù nē yí liù tē, v nē tɪga, yá v dān pií v bwin, v wulə mi wa».

<sup>9</sup> U swìn, v wó:

«À yèé á càn zənzən tē dē á zvrí tē yoo. Yá á ga yí lià tē, á nē yí jɪjə tiàn Yí yáá con. À yèé lià tē nē swìn dē ba yí \*Zwifə-ba dwíí, yá ba ga tà Zwifə-ba tē, tɪjaŋa tē yoo. Ba mù lià təntə yí \*Sítana kwa lià. <sup>10</sup> Á wá na càn, yá á nē dānà ká pa fən ja aba. Á cəga zəni, Sítana wá pa, ba kē á wa lià duən bán diè wa, sē á dé càn, sē v ma na kv tē, á nē yí. Á wá na diàn fugə wəwalv. Á dān yana pùé nəd v tiàn, kv ja vəli á tiàn, á wá na mi tē, kv nē ba zwèe.

<sup>11</sup> Liù mama dān mε, sē v kē diàn, v sūrí v zian, sē v ma cəgv kv tē, Yí-Siŋu tē nē swìn Kərisə lià púlí tē con.

Liù tē nē, v nē wá dé diàn lwanı yuu wa, nēē bēlē nii tian tē bá yí wá».

*Sagi tē, kv nē mē, sē kv pa Perəgamə Kərisē lià púlí tē nē*

*(Zwidə 3-4, 11)*

<sup>12</sup> Liù tē kùw swìn à con, v wú: «Púpúní, n pa \*malıka tē nē, ka nē pià ka biri Perəgamə Kərisē lià púlí tē yuu.

Púpúní dē, sugu kv tē yı liù tē, v nē jē laguri sùú, kv nē jē níé bēlē fula fula, nē swìn kv, v wú:

<sup>13</sup> <À yèé dē tiv tē, á nē wulə kv wa, yı \*Sıtana patıv. Bēē don yà wulə, ba nē boŋə Antipasē. U yı liù tē, v nē swìn à yoo v biri dē pùé nēdv. Ba jin wá, ba gu á tətəŋi wa Sıtana patıv təntə wa. Máná tē kv nē tın, kv tē wà pa, á piì á kē á kwa. Á tē vwə á tìàn à nē zēni zēni, kv máná təntə wa. <sup>14</sup> Yá dē kv mē, kv tē à dān nē caga á nii nē, kv yırı síún nē, kv mù nē yı á lià tē, ba nē wulə Balamə kàrà cwəŋə tē wa. Balamə yà kwè Balakə fuən fuən, sē v pa \*Yızerayelə lià tē dé woŋwanan nəná, sē v pa, ba pēn duən vēē vēē, sē kv kē ba cuna wa.

<sup>15</sup> Lià duən dē tē wulə á con, ba dē nē wulə Nikolayitə kàrà cwəŋə tē wa, kv nē yı ndə tē yìèn təntə nē. <sup>16</sup> Á dān vəvərə á kwa, á ma sá á cuna tē. Kv nē tà kv mù, à wá bà á con lala, à ga wá ta lià təntə dē laguri sùú tē, nē naná à nii wa.

<sup>17</sup> Liù mama dān mē, sē v kē diàn, v sùrí v zıan, v ma cugu yoo tē, Yı-Sıju tē nē swìn Kərisē lià púlé tē con nē. Liù tē, v nē wá dé diàn lwanı yuu wa, à wá pa wá wodiú tē, kv nē

sègè, ba nè boṇè <manè>. À wá pa wá kapan nèpon, yiri nēdun nè púpúní ku yuu wa. Liù mama yèrì ku yiri tē dē ku nè tà liù tē cici nè, ba nè pin ku>.»

*Sagi tē, ku nè me, sē ku pa Tiatiṛē Kērisē lià púlí tē nè*

*(1 Tesalonikē tián 1.2-3; Tūtunan 15.28-29; 1 Korētē tián 10.8, 19-22)*

<sup>18</sup> Liù tē kù swìn à con, v wú: «Púpúní, n pa \*malika tē nè, ka nè pià ka biri Tiatiṛē \*Kērisē lià púlí tē. Nēn ku tē Yı-Biu tē v yía nè yi ndē mēnvoō nè, v nē ga yi ndē cııta lugu nè, nè swìn:

<sup>19</sup> <À yèé á tūtunē nè yi nētv. À yèé dē, á swē duēn, yá á ga tē kēni á waa à nè. À yèé, á nè saṇa lià duēn nè nētv. À yèé, á nè jē pínú wuu, ku nè pin, á ba pií á kēni á kwa nētv. À ga yèé dē síún nè, á tūtunan tē dáá, tē doni á tēntēn nyiēn tē. <sup>20</sup> Yá à tē jē yoo, à nè wá caga á nii nè ku yiri síún nè. Ku yi kan tē, ba nè boṇè Zwezabelē, v nè kuni á con dē, v yi Yı nii susunkana tē yuu wa. Á yáá yá wá, á pa v kàrì à tūtunbia tē, v ma gıgarı ba, v pin, ba pēni duēn vē vē dē v pin, ba dé woṇwanan nāṇá. <sup>21</sup> À pin máṇá ku mù kan tēntē nè, sē v vēvəri v kwa, v ma sá v cuna tē. Yá v vıga ku nētv tē, v ga pià, sē v tē pēni dē lià vē vē, v ja ya lá. <sup>22</sup> Á cuga zēni, ku mù nè pin, à wá pa v tv yayıgv, v pēn tia, v dé cān zēnzēn. À wá kē ba tē dē, ba nè tuṇa bacwan tē, dē wá cān zēnzēn wa, dē ba nè wà ba tián lı yokukwınan



tə wa, ba ga vɪ v tʊtʊnɛɛ tə. <sup>23</sup> À wá gv v lià tə də mama, ba nə wulə v tʊtʊnɛɛ tə wa. \*Kərisə lià púlé tə mama dān wá lwarɪ də, à mù yɪ liù tə, à nə yə́ə ləzoni pubɔŋɪ, də kv tə nə wulə ba waa con. Yá à ga wá ŋwín kv tə nə mɛ də á liù mama tʊtʊŋɪ, à pa wá. <sup>24</sup> Yá á mù lià tə duən tə, á nə wulə Tɪatirə Kərisə lià púlí tə wa, á nə wá kārà kʊkwɪvɔn təntə nə twá, á mù wá pià, sə á yəni kv tə ba nə boŋə \*Sɪtana yosəgən tə dèń. À dān swìn á con də à ba yoo don jə, à swìn á con, sə á tʊn. <sup>25</sup> Á dān nə jana kv tə, á nə jə kv yɪra zəni, kv ja velə máná tə, à nə wá bà.

<sup>26</sup> Liù tə, v nə wá dé diàn lwanɪ yuu wa, v nə wá tʊn à tʊtʊnan tə, kv ja va kv yí lʊv zaŋv də v wá yá, à wá pa, v dé diàn lʊv dwíé tə mama yuu wa. <sup>27</sup> V wá dé pàrì ba yuu wa də diàn. V wá cùgù ba, ndə ba nə lwe tɪran nəkəni nətv. Mə nətv nə, à nyɪna Yɪ pɪn diàn təntə à tətə nə. <sup>28</sup> Yá à wá pa jɪv fuən fuən kacɪlacɔ tə, nə yàá pén tə, kv tíú nə.

<sup>29</sup> Liù mama dān mɛ, sə v kə diàn, v sùrí v zɪan, v ma cʊgv kv tə, Yɪ-\*Sɪŋu tə nə swìn Kərisə lià púlé tə con>.»

### 3

*Sagɪ tə, kv nə mɛ, sə kv pa Sarədə Kərisə lià púlí tə nə*

*(Zwakə 2.14; Matíə 7.21-23; 24.42-51)*

<sup>1</sup> Liù tə kúbù swìn à con, v wó: «Púpúní, n pa \*malɪka tə nə, ka nə pià ka bɪrɪ Sarədə \*Kərisə lià púlí tə yuu.

Púpóní də, sɔɡv kv tə ɣi liù tə, v nə jə \*Sinən\*  
barpe tə də kacılacə barpe tə v ju:n wa, nə swìn  
kv v wú:

«Á yèó, á tutúnεε nə ɣi nətv. Á ɣiri nan kv  
pa lià buɲa də, á ɣi lià tə, á nə wulə mu wa.  
Yá á ga ɣi lià tə, á nə ɣi ndə tɪga nə, ɣu yáá  
con. <sup>2</sup> Á zàɲá dwian nə, á ga dàn lià tə ɣiganu  
tə duən jìàn, ba də nə yà wulə ba tɪ, à nə nu  
á tutúnεε tə, tə nə wà me à nyina ɣu yáá con  
ɣiri. <sup>3</sup> Á pùí á líí á tiàn nətv tə, á nə nì ɣu sɔɡv  
tə, á ga cɔɡv kv. Á jana kv á bɪcan wa, sə á  
ga vəvəri á kwa, á ma sá á cuna tə. Á nə wà  
dwian nə zàn, à wá bà, à dì á yuu ndə ηwìàn  
nə. Á bá yəni máná tə, à nə wá bà. <sup>4</sup> Yá á lià  
duən tə wulə Sarədə wa, ba nə wà sèe, ba zu  
durən wa. À wá pa ganpwənə lià təntə nə ba  
zu, ba ga wá va də nə ba nə me də kv nətv tə  
ɣiri.

<sup>5</sup> Mə lià tə mama, ba nə wá dé diàn tə lwanu  
yuu wa tə, wá zu ganpwənə nətv. À bá pupugu  
ba ɣira tə ɣu sàń mu sagu tə wa. Yá à dán wá  
swìn ba yoo də ba ɣi à mù lià, à nyina ɣu də  
v malɪkə tə yáá con.

<sup>6</sup> Liù mama dán me, sə v kə diàn, v súrí  
v zian, v ma cɔɡv kv tə, ɣu-Sinju tə nə swìn  
Kərisə lià púlé tə con.»

*Sagu tə, kv nə me, sə kv pa Filadələfi Kərisə  
lià púlí tə nə  
(2 Piyerə 2.9; 1.10-11)*

---

\* **3:1** 3.1 Kv ɣi ɣu-Sinju nədv tə də kv diàn barpe.

<sup>7</sup> Liù tè kùd swìn à con, v wú: «Púpúní, n pa \*malika tè nè, ka nè pìà ka bırı Filadēlōfi \*Kērisē là púlí tè yuu.

Púpúní dē, sugv kv tè yi liù tè, v nè ba man don jē, v ga yi cígá tíú tè nè swìn kv.

U mù nè yi liù tè, v nè jē pìú \*Davidē mimii borhıa tè. U nè súrı, liù tēlō, v nè wàá v sunjē. U nè kùd sun, liù tēlō, v nè wàá v súrı».

<sup>8</sup> Liù tè kùd swìn à con, v wú:

«À yèé á tutunēē nè yi nētı. Á cvga zēni, à súrı cwējē à pa aba, liù ga tēlō, v nè wàá kv nè v cı. À yèé dē á dıàn ba dáá, yá á ga twá à sùràn tè nii nè, á wà swìn dē, á yèrì nè.

<sup>9</sup> Á nējē nētı tè, à nè wá fwa \*Sıtana kwa là tè, ba nè wú, ba yi \*Zwifē-ba dwıı yá kv ga yi kunkun ba kını. Á cvga zēni, à wá kálú ba là tētē, à pa ba bà, ba tv ba nadwana yuu á yáá con, sē ba ma lwarı dē à swē aba. <sup>10</sup> Á mù sēē à sugv zēni zēni, á jın pínú wuuu, á ga wà píı á kē á kwa. Kv mù yırı nè, à dē wá cı á nè, májá tè wa, yìèn nè wá bà, tè wowalı aba tıa ka tè yuu wa. Cígá, yìèn wá bà tıa yuu lēzoni tè mama yuu wa, sē tè pa ba lwarı kv tè, liù mama nè yi. <sup>11</sup> À wá bà lala. Á jana kv tè, á nè jē kv nè, zēni zēni, sē liù mama dān ká wānı, v jon á zılē won tè, Yu nè wá pa aba.

<sup>12</sup> À wá pa liù tè, v nè wá dí dıàn lwanı yuu wa, jı ndē diè tētējı banıa nè à nyına Yu diè tè wa, yá v kùd bá nan abada. À wá púpúnı à nyına Yu yırı tè dē v tıv nēfarıv tè yırı, à tún v yuu wa. Kv tıv tè nè yi \*Zwerizalemē nēdın

tə, Yıı nə wá pa, ku nan v sàń nə, ku cú. À wá púpúní à yırı nədun tə də ku mù lià təntə yuu wá.

<sup>13</sup> Liù mama dǎń mə, sə v kə diàn, v súrı v zıan, sə v ma cugv ku tə, Yıı-\*Sııu tə nə swın Kərisə lià púlé tə con nə».

*Sagi tə, ku nə mə, sə ku pa Lawodise Kərisə lià púlı tə nə*

*(Likə 14.34-35)*

<sup>14</sup> Liù tə kúv swın à con, v wú: «Púpúnı, n pa \*malıka tə nə, ka nə pıà ka bııı Lawodise \*Kərisə lià púlı tə yuu.

Liù tə, v yırı nə yı <Amıına>, tə nə swın. U mù nə yı liù tə, v nə swın à yoo v bııı də pùé nəd, v ga yı cígá tíú. Wiən tə də mama, Yıı nə fwa, yı tə nan v mù con.

<sup>15</sup> U swın, v wú:

<À yèé á tutunεε nə yı nətv. À yèé də, á ba lııa, Yıı cwəııə tə wa, á ma ba zurə də. Á yà mə, á nə tà ku tə, sə á ya ku don. <sup>16</sup> Yá á dǎń nə yı ndə níá nə yı pwala pwala, á ba lııa, á ma ba zurə tə yırı, à wá tunı aba à lı à nii wa.

<sup>17</sup> Á swın də á yı jııə tíán tə, á nə jə wiən tə mama, tə nə mə də aba, á pa á tíán nə, á ga kúv bá won mama pıà. Yá á dǎń ga yèrı də, Yıı yáá con, á yı basarunyına, á yı yınəııənyına, á yı zıra, á yı ndə lilırən nə, á ga yı ndə wala nə, á ba gǎnù jə. <sup>18</sup> Ku mù yırı, à dǎń kwè aba, sə á yè á con síán tə, tə nə twá mən wa, tə pıııv tə nan, sə á ma jı cígá cígá jııə tíán. Á yè ganpwənə də à con, á ma pú á yııra tə nə, sə cavııa kúv dǎń ká ja aba, á nə yı wala tə yırı.

Á yè yía tania də à con, á kə á yía tə wa, sə á wàní á na lá zəni. <sup>19</sup> Lià tə mama, à mù nə swə, mə ba mù nə à yáá caga ba nii nə, à ga firı ba. Á vəvərə á kwa, á ma sá á cuna tə, á ga ja yawala. <sup>20</sup> Á nəŋə, à zıga mimii nə, à ga mà ku nə. Liù tə, ʋ nə nì à kori, ʋ ga sùrí mimii tə, à wá zʋ ku tíú con, à dé də wá, yá ku tíú də wá dé də nə.

<sup>21</sup> À wá pa liù tə, ʋ nə wá dé diàn lwanı yuu wa, jəń à yıra, à padaʋ tə yuu, ndə à də nə dí diàn lwanı yuu wa, yá à ga jəé à nyına Yı yıra, ʋ padaʋ tə yuu nətu tə.

<sup>22</sup> Liù mama dāń mə, sə ʋ kə diàn, ʋ sùrí ʋ zıan, ʋ ma cugʋ ku tə, Yı-\*Siŋu tə nə swın Kərisə lià púlé tə con nə.»

## 4

### *Yı padaʋ tə də nəkwına sapva də bania tə yoo*

<sup>1</sup> Ku kwa nə, à mù Zwan kúú ywāń. Nəń à nı mimii, ku nə sùrí Yı sàń nə. Á kúú nì təntən kori tə, ku nə dí yáá, ku swın à con, ku ga yı, ndə nabwana kori nə tə. Ku swın à con, ku wú: «Dì yəbə, sə à birı mú yoo tə, ku nə biàn, sə ku tən ku kwa nə».

<sup>2</sup> Yı-\*Siŋu tə zəzən ku bà, ku sú nə. Nəń à dāń nı padaʋ, ku tégə Yı sàń tə wa. Yá liù yá jəé ku padaʋ təntə yuu. <sup>3</sup> Liù tə, ʋ yá nə jəé ku yuu, yá pıpılı, ndə kapan yiri don də nə, ku nə tūŋə mən, ba nə ma boŋə <zwasəpə>, ʋ ga tə pıpılı ndə kapan yiri don də nə, ba nə boŋə <sarəɖuanə>. Padaʋ tə yı ku kıkarı də dwà sùú,

ku nə yɪ ndə kapan don nə, ku də nə tɪŋə mən, ba nə ma boŋə <emerodə>. <sup>4</sup> Παρε σαβα də banɪa kɪkarɪ ku m̀ padav tɛntə. Yá \*nəkwɪna sapva də banɪa dān jèé tɛ yuu wa. Ba zva ganan nəpwənə. Ba ga pú síán dun yupurən ba yun nə.

<sup>5</sup> Yá dwà baa, ka pɪpɪlɪ, kwərə duən də dān yà naŋa padav tɛ con. Yá mənvoov barpe tɛ nə sɪrv, yà wulə tɛ pɪpɪlɪ padav tɛ yáá con. Mə tɛ m̀ mənvoov tɛntə, nə yɪ Yɪ-Sɪŋu tɛ də ku diàn dəkurən barpe tɛ.

<sup>6</sup> Padav tɛ yáá con, ku yɪ ndə mɪnaa nə tégé lá nə, ku nə ga tɪŋə mən ndə zəŋə nə. Wiən banɪa yà kɪkarɪ padav tɛ, tɛ kə tətəŋɪ wa. Tə wiən tɛntə yáá də tɛ kwa mama yà yɪ yíá cɪcɪ.

<sup>7</sup> Tɛntən won tɛ yɪ ndə gəru nə. Bələ nii won tɛ yɪ ndə nabɪə nə. Batwa nii won tɛ yáá yɪ ndə ləzwənə yáá nə. Banɪa nii won tɛ yɪ ndə zunpuu nə, ku nə pəri yɪ nə. <sup>8</sup> Tə wiən banɪa tɛ, nədv mama jə vānà bardv, tɛ nə wáá tɛ pəri. Yá tɛ ga jə yíá, tɛ nə kɪkarɪ tɛ mama, yíá duən ga tɛ wulə vānà tɛ dèŋ də. Tɪtɪn də yɪcav, tɛ wiən banɪa tɛ m̀ yɪ tɛ swɪn máŋá mama, tɛ wú: «Yɪ dwə won mama! Yɪ dwə won mama! Yɪ dwə won mama! \*Yuu-Tiu Yɪ nə jə diàn tɛ mama yuu wa. U m̀ nə yɪn lá fuən fuən, v nə wulə, v tɛ ga wá biàn».

<sup>9</sup> Mə nətv nə wiən tɛntə dān pɪn dun, liù tɛ nə, v nə jèé padav tɛ yuu wa də tɛ zilí v nii də tɛ kəni v lèèè. U m̀ nə yɪ liù tɛ, v nə wulə mɪ wa, máŋá də máŋá, ku nə ba zwèè. <sup>10</sup> Máŋá mama, wiən tɛ nə fwa nətv, nəkwɪna sapva də banɪa tɛ də yáá tv ba nadwana yuu liù tɛ yáá con, v nə

jèé padau tē yuu wa, ba ga pɪn wá dun. U m̀ nē yɪ liù tē, v nē wulə mɪ wa, máná dē máná, kɪ nē ba zwèe. Ba dān yáá lɪ ba dun yupurən, ba t́n padau tē yáá nē, ba ga sẁn, ba ẃ:

<sup>11</sup> «Nē \*Yuu-Tiu Yɪ, n yɪ liù tē, n nē mɛ, sē nē pa mú dun, sē nē zilí mú.

Dìàn tē mama wulə n con, n nē fwa wiən tē mama yɪrɪ. Yá kɪ yɪ kɪ twá n tətə fɪra nē, n ma fwa tē, n pa tē wulə».

## 5

*Zwezi-Kərisə wáá sagɪ tē nii v lwàrì*

*(Romə t́án 11.33-34; Filipə t́án 2.5-11; Apokalisë 1.5-6; 7.9-12)*

<sup>1</sup> Kɪ kwa nē, à nɪ liù tē, v nē jèé padau tē yuu wa, dē v jē sagɪ v jɪzən jɪn wa. Sagɪ tē yáá bələ tē mama yà púpúní, ba ga pípírí kɪ, ba kē duən nē. Kɪ nii yà marɪ bwáá barpe dē mɔɔ tanponan barpe. <sup>2</sup> Yá à dān nɪ \*malɪka, ka nē jē dìàn dē ka baa, ka kəni yɪ nē, ka sẁn, ka ẃ: «Wàà nē wulə, v nē mɛ, sē v lwàrì kɪ mɔɔ tanponan barpe tē, sē v śrɪ sagɪ kɪ tē?» <sup>3</sup> Yá liù mama dān t̀l̀é, v nē nan Yɪ sà́n, nē à yèé tɪa yuu, nē à yèé tɪga bwáá nē, kɪ tíú nē mɛ, sē v śrɪ sagɪ tē, v ywà́n kɪ wa. <sup>4</sup> Yá à dān kwi zənzən, liù nē t̀l̀é, v nē mɛ, sē v śrɪ kɪ, v ywà́n kɪ wa tē yɪrɪ. <sup>5</sup> \*Nəkwɪa tē don dān ma sẁn à con, v ẃ: «Dàn ká kwi! Nè́n p̀ú \*Davidə nàú tē, \*Zwida dwíí dəkúu tē wa, yɪ ndə gəru nē, v nē dí dìàn, won mama yuu wa. U wá lwàrì sagɪ tē turan mɔɔ tē dē kɪ tanponan barpe tē, v ga śrɪ kɪ».

6 Kɔ kwa nə, à nɪ liù də ɒ zɪga padau tə, də wiən\* banɪa tə də nəkwɪna sapua də banɪa tə tətəŋi wa. Ka yà yɪ \*pabiə nə, ba nə ken sùú ka bɪan nə. Ka yà jə nyɔran barpe də yíá barpe. Yíá barpe tə nə yɪ \*Siŋən† də barpe tə, Yɪ nə tɔn tɪa tə mama yuu wa. 7 U mù liù tɛntə twi, ɒ jon sagɪ tə, kɔ nə wulə liù tə, ɒ nə jèé padau tə yuu, jɪzan jɪn wa. 8 Májá tə wa, ɒ nə jon kɔ sagɪ tɛntə, wiən banɪa tə, də nəkwɪna sapua də banɪa tə tɔa ba nadwana yuu, ɒ yáá con. Ba liù mama yà jə kunkolu də síán wùrú zɔŋɪ tə nə sùé də tɪralɪ, sə ba sɔrv tə. Tə mù nə bɪrɪ lià tə, ba nə yɪ Yɪ nə tɪ, yɪjɔnɪ tə. 9 Ba dàñ wulə ba nuŋə nundɔn, ba wú:

«N yɪ liù tə, n nə mɛ, sə n tì sagɪ tə, n lwàrì kɔ tɔran mɔɔ tə də kɔ tanpɔnan barpe tə, n nə yɪ ba ken sùú n bɪan nə, sə kɔ twá n jana tə nə, n ma yè lià n jon, n pa Yɪ nə tə yɪrɪ. N yè dwíé dəkurən yiri mama lià, də nɛndəli yiri mama lià, də lɔv nii mama lià, də lɔv dwíé tə mama wa n jon ba cɔna wa, n pa Yɪ nə. 10 N tə pɪn ba jì n pàrì tə wa lià. N tə pɪn ba jì Yɪ \*jonwana, sə ba tɔn, ba pa nə Yɪ tə nə, yá ba ga wá dé pàrì tɪa yuu wa».

11 À kúú ywàñ, à ga na malɪke nə dáá zɛnzɛn, à ga nì tə kwərə. Tə yà yɪ tə kɪkarɪ padau tə, də wiən banɪa tə, də nəkwɪna sapua də banɪa tə. Tə yà yɪ miliyɔn də miliyɔn də mùrù də mùrù. 12 Tə baa tə kə yɪ nə, tə swɪn, tə wú:

\* 5:6 5.6 Kɔ yɪ ləzwənə. † 5:6 5.6 Kɔ yɪ Yɪ-Siŋu nəɔv tə də kɔ diàn barpe.



«Pabiè, ba nè ken sù ka bian nè, tɛ mɛ, sɛ ka na  
pàrì, dɛ jɔjɔ, dɛ wubɔɔɔ, dɛ dɔ̀àn, dɛ zìlé,  
dɛ dun, dɛ b̀rà».

<sup>13</sup> Yá à d̀àn nì dɛ wiən tɛ mama, Yɪ nè fwa, tɛ  
nè wulə Yɪ s̀án, dɛ tɪa yuu, dɛ tɪga bwálí nè, dɛ  
mɔv wa sẁn, tɛ wú:

«B̀rà, dɛ zìlé, dɛ dun, dɛ p̀rì wulə, m̀nà dɛ  
m̀nà, kɔ nè ba zwè, tɛ pa liù tɛ, v nè jèè  
padau tɛ yuu dɛ liù tɛ, v nè yɪ ndə pabiè  
tɛ nè».

<sup>14</sup> Yá wiən banɪa tɛ d̀àn sẁn, tɛ wú:  
«Amɪna!»

Yá nèkwɪna tɛ dɛ d̀àn tɪa ba nadwana yuu, ba  
dɛ wulə ba pɪn ba dun Yɪ nè.

## 6

*Təntən mɔɔ tanɔɔnən tɛ, ka lẁrì yoo  
(Matìə 24.6-8; Likə 18.7-8; Apokalisè 7.13-14)*

<sup>1</sup> À yẁán, à na liù tɛ, v nè yɪ ndə \*pabiè nè dɛ  
v lẁrì sagɪ tɛ tɛntən mɔɔ tanɔɔn tɛ. Kɔ m̀nà  
tɛ wa, à nì dɛ wiən banɪa tɛ wa won don sẁn  
dɛ kori, kɔ nè dáá, ndə dwà nè baa nè, kɔ wú:  
«B̀áá yəbè!» <sup>2</sup> À kùv yẁán, dɛ ǹn sɪsan nèpon.  
Liù tɛ, v nè d̀gà ka yuu, yà jə tɪan. Ba pɪn wá  
dun yupuu, yá v d̀àn nan dɛ barɪ, sɛ v ta v dɛ.

<sup>3</sup> Kɔ kwa nè, liù tɛ, v nè yɪ ndə pabiè nè tɛ,  
kùv lẁrì bələ nii mɔɔ tanɔɔn tɛ. Yá à kùv nì  
dɛ wiən banɪa tɛ wa bələ nii nyiən tɛ dɛ kùv  
sẁn, kɔ wú: «B̀áá yəbè!» <sup>4</sup> Yá sɪsan don, kɔ nè  
yɪ nəsiən, ndə mən nè, twi kɔ nan. Liù tɛ, v nè  
d̀gà kɔ yuu tɛ, nɪ cwəɔ, sɛ v pa sié d̀àn ká ya  
tɪa yuu wa, sɛ ləzoni kə s̀án duən bian nè. Yá  
ba d̀àn pɪn wá lagɔrɪ s̀ú nəfarv.

<sup>5</sup> Kù kwa nè, liù tē, ɔ nè yɪ ndə pabiə nè tē, kùò lwàrì batwa nii mɔɔ tanpɔn tē. À kùò nì dē wiən banɪa tē wa batwa nii nyiən tē dē kùò swìn, kù wú: «Bàá yəbə!» À ywàń dē nēń, sɪsan nəzonu ka twi ka nan. Liù tē, ɔ nè ðìgà kù yuu, yà jə səkəri ɔ juun wa. <sup>6</sup> Yá à nì sɔgɔ ndə kori nè, kù nè nan wiən banɪa tē tətəŋi wa, kù wú: «Mɪna zɔŋa yɪ cɪnɪa səbikɔlɔ\* nədu. Yá mɪna yiri don zɔŋɪ batwa yɪ səbikɔlɔ nədu. Dàn ká sùrí nɔga tē dē swana tē mù səbiu!»

<sup>7</sup> Kù kwa nè, liù tē, ɔ nè yɪ ndə pabiə nè tē, kùò lwàrì banɪa nii mɔɔ tanpɔn tē. À kùò nì dē wiən banɪa tē talɪkwa nyiən tē, swìn, kù wú: «Bàá yəbə!» <sup>8</sup> À ywàń dē nēń sɪsan, kù nè yɪ ndə pɔpɔ́ nè. Liù tē, ɔ nè ðìgà kù yuu wa, yiri nè yɪ <ɪian>. Yá liù tē, ba nè bonjə <ɪiga bwálí> yà nè kwen wá. Ba yà nɪ ðiàn, sə ba gɔ tɪa ka tē ləzoni pwiù banɪa vàn nədu. Ba jə ðiàn, sə ba pa ləzoni gɔ duən, dē lagɔri sùú, dē niən, dē yayɪpwaran, dē tɪa ka tē yuu wojankadirən gɔ lià.

<sup>9</sup> Kù kwa nè, pabiə tətə kùò lwàrì bonu nii mɔɔ tanpɔn tē. À kùò nɪ \*jɔŋi kùrí, yá lià jèrí dān tégə kù səpuni nè. Jèrí təntə yɪ lià tē, ba nè ken sùú ba bɪan nè, ba nè twá Yɪ sɔgɔ tē nè, ba ga swìn kù ba bɪri tē yiri. <sup>10</sup> Ba mà nii, ba kə yɪ nè, ba wú: «N yɪ nè \*Yuu-Tiu Yɪ tē, ɔ nè ba man don jə, ɔ ga yɪ cígá tíú. Máná kɔkaa wa nè, n wá bɪrì lià tē, ba nè gva nəba tɪa yuu wa bɪrà, sə n kə ba càn wa, kù yiri?» <sup>11</sup> Ba pɪn ganpon ba

\* **6:6** 6.6 Cɪnɪa səbikɔlɔ nədu yɪ yɪtɔri nədu tɔtɔŋi ŋwírán.

liù mama nè, yá ba ga swìn ba con, ba wú: «Á tē dānā mancin, á tē wà cé. Kū mē, sē ba tē gu á duēn tē, ba nè yī á nubia \*Kērisē yiri, dē ba tē ba nè yī á tutunduēn tē, ba sūrī á nè».

<sup>12</sup> Kū kwa nè, à kùò ywàń, pabiē nè tē kùò lwàrì bardu nii mōo tanpōn tē. Tia tē vivaga zēnzēn. Yicav tē jigē nēzonu ndē ganzonu nè. Cànà tē dē mama jigē nēstian ndē jana nè. <sup>13</sup> Yá kacilace nan yū, tē twi tia, ndē voo nēfaru nè vuvugv kapırv, kū bia ga twi nētv. <sup>14</sup> Lanworu tē pēpēni kū tiàn, ndē ba nè pēpēni sara nētv. Yá pēēn tē mama dē tia tē mama, ka nè wulē tētēji wa, dāń zàn tē yipēē nè. <sup>15</sup> Tia yuu pēēgá tē, dē lēzwēnfaran tē, dē pamana yun tiàn tē, dē jūjē tiàn tē, dē luv ladıra tē, dē ywēŋē tē mama, dē là tē nè ti ba tiàn tē dēri, ba sēgē pēēn buran dē pìràn kwēlən wa. <sup>16</sup> Yá ba dāń swìn pēēn tē dē pìràn tē con, ba wú: «Á twia nè yuu wa, sē á sēgē nēba, sē nè ya yūŋvni, liù tē yáá nè, v nè jēé padav tē yuu. Á sēgē nēba, sē pabiē tē, dān ká cùgù nēba dē v lūŋa tē. <sup>17</sup> Kū yī cígá, ba lūŋa diun nēfaru tē twi, yá liù tēlō v dāń nè wá wàńí v jon v tiàn?»

## 7

*Yū là tē yoo*

*(Apokalisè 14.1-5; 21.3-4; Zwan 10.16; Romē tiàn 11.25-26; Apokalisè 21.3-4)*

<sup>1</sup> Kū kwa nè, à ni \*malike bania dē tē zıga yū nè, tia tē sapara bania tē wa. Tē cìgà voo tē nè nanja sapara bania tē wa, sē kū dān ká fulu tia

tə, də muv tə, də tìú mama yuu wa. <sup>2</sup> Yá à tə kùb̀ nı malıka don, ka nan yı yipıan con, ka dı yı də ka jun wa, won, ba nə fwa mımınan, ku nə yı Yı tə, v nə wulə mıı wa, nyıən. Ka zın ka kori, ka kə yı nə, ka swın malıke banıa tə con, ba nə pın tə dıàn, sə tə cùg̀ tıa də muv tə, ka wú: <sup>3</sup> «Á tə dãnà ká cùg̀ tıa tə, də muv tə, də tıán tə. Á yá, sə nə dí yáá nə fwa mımınan, nə Yı tutınbıa tə t́ĺé nə». <sup>4</sup> Yá à dãǹ nı də ba swın là tə nıı, ba nə ken mımınan tə ba t́ĺé nə. Ba yı là mùr̀ b́ıı də mùr̀ sapwılə də mùr̀ banıa (144 000), yá ba mama ga yı \*Yızərayelə dwı́é tə wa ləzwənbıa.

<sup>5</sup> \*Zwıda dwı́ı dəkıu tə wa, yı là 12 000, ba mà tanpɔn tə ba t́ĺé nə.

Rıbən dwı́ı dəkıu tə wa, yı là 12 000.

Gadə dwı́ı dəkıu tə wa, yı là 12 000.

<sup>6</sup> Azerə dwı́ı dəkıu tə wa, yı là 12 000.

Nefətali dwı́ı dəkıu tə wa, yı là 12 000.

Manase dwı́ı dəkıu tə wa, yı là 12 000.

<sup>7</sup> Sımeyon dwı́ı dəkıu tə wa, yı là 12 000.

\*Levi dwı́ı dəkıu tə wa, yı là 12 000.

Yısakarə dwı́ı dəkıu tə wa, yı là 12 000.

<sup>8</sup> Zablın dwı́ı dəkıu tə wa, yı là 12 000.

Zwızeıə dwı́ı dəkıu tə wa, yı là 12 000.

Benzwamen dwı́ı dəkıu tə wa, yı là 12 000.

Ba là təntə mama yı, ba mà tanpɔn ba t́ĺé nə.

<sup>9</sup> Ku kwa nə, à tə ywàŋá də nəń̀ là kapııı, lıù nə wàrı ba nıı v gəl̀ı. Ba yı lıı dwı́é tə mama wa, də dwı́é yırı mama là, də lıı nıı mama là, də nəndəlı yırı mama là. Ba yà yı ba zıga padav tə də lıù tə, v nə yı ndə \*pabıə nə tə, yáá con.

Ba yà zva ganpwənə, ba ga jə kùrì nɛɛ ba jìàn wa. <sup>10</sup> Yá ba dàń baa ba kə yɪ nə, ba swìn, ba wú:

«Kɔ yɪ Yɪ tə, ɔ nə jə́ padav tə yuu də pabiə tə, nə jon nəba nə cuna tə wa».

<sup>11</sup> Yá malikɛ tə mama dàń zɪga, tə kɪkarɪ padav tə, də \*nəkɥina tə, də wiən banɪa tə. Malikɛ tə tva tə yáá yuu padav tə yáá con, tə wulə tə pɪn dun Yɪ nə, <sup>12</sup> tə swìn, tə wú:

«Kɔ yɪ cígá! Nə \*Yuu-Tiu Yɪ nə mɛ, sə ba bu ɔ nə, ɔ mɛ, sə ɔ na b̀̀rà, də zɪlé, də wɔbɔŋa, də l̀̀eɛɛ kənu, də dun, də p̀̀rì, də d̀̀àn. Ʋ m̀̀ nə mɛ də tə ỳ̀n t̀̀ntə, máná də máná, kɔ nə ba zwèè. Kɔ yɪ cígá».

<sup>13</sup> Nəkɥia tə don dàń ma swìn à con, ɔ wú: «L̀̀à tə, ba nə zva ganpwənə tə, nə yɪ labərə? Ba yɪ ba nan ỳ̀n?» <sup>14</sup> À m̀̀ Zwan ma le wá, à wú: «À Yuu-Tiu, n m̀̀ nə ỳ̀é kɔ swìn, nə bɪrɪ nə!» Ʋ dàń ma swìn à con, ɔ wú: «Kɔ yɪ l̀̀à tə, ba nə dí càn zənzən talɪkwa máná tə wa. Ba sɪn ba ganan pabiə tə jana wa, tə ga p̀̀rì.

<sup>15</sup> Mə kɔ m̀̀ nə pɪn, ba wulə Yɪ padav tə yáá con, ba pɪn wá dun yɪcav də tɪtɪn, ɔ \*d̀̀è tə wa. L̀̀ù tə, ɔ nə jə́ padav tə yuu, wá pú ba yuu nə. <sup>16-17</sup> Pabiə tə, ɔ nə wulə padav tə tətəŋi wa, wá ỳ̀rì ba, ɔ ga wá ja ba, ɔ ja va nabuliyɪa tə bwálí nə, tə níá nə pɪn mɪ. Kɔ m̀̀ nə pɪn, niən kú̀ bá ja ba, nanyɔnɪ də bá ja ba. Yɪcav kú̀ bá mà ba nə, lɪŋɪ də bá yí ba. Yá Yɪ wá mùrì ba yɪnɪa tə mama».

## 8

*Moo tanpon barpe nii nyien tē ka lwàrì yoo  
(Apokalisë 5.8)*

<sup>1</sup> \*Pabiē nē tē kùv̀ lwàrì moo tanpon barpe nii nyien tē. Kù máńá tēntē wa, kù ken siii Yui sàń nē, kù ja va ndē lugu nēdv̀ dē fan nē.

<sup>2</sup> Yá à dàń nì \*malìke barpe, tē nē zìga Yui yáá con, yá ba dàń ga pa tē nabwanan barpe.

<sup>3</sup> Kù kwa nē, malìka don dàń twì, ka zìga \*joni kùrí tē yira. Yá síán kurpotu, ba nē ma surì tiralì, ga wulē ka jùn wa. Ba pùn ka tiralì zēnzēn, sē ka surv̀ tē, ka pa Yui nē. Ka mù ga nē wá tì là tē dē, ba nē yi Yui nē tì tē, yijonì tē dē ka pa Yui nē, kù mù síán joni kùrí tē yuu, kù nē wulē padav̀ tē yáá. <sup>4</sup> Tiralì tē nywìń dē là tē, ba nē yi Yui nē tì yijonì, twá malìka tē jùn nē, tē dì Yui yáá con. <sup>5</sup> Malìka tē tì tiralì kurpotu tē, ka kē joni kùrí tē mēn, ka sú ka nii, ka d̀lì tia yuu wa. Kù nētv̀ tē pùn, dwà baa, ka p̀p̀lì, kwērē duēn dē yin lá, tia tē dē ga vivaga.

*Tēntēn nabwanan bania tē wúrú yoo*

<sup>6</sup> \*Malìke barpe tē, tē nē jē nabwanan barpe tē, dàń ken tē sírí, sē tē wúrú tē. <sup>7</sup> Tēntēn malìka tē wúrú ka nabwana tē. Dwà kafina dē mēn tē nē g̀lì dē jana nan, tē lwá tia yuu. Yá tia tē pwìv̀ batwa v̀n nēdv̀ tē don, dē tìán tē, dē pwìv̀ batwa v̀n nēdv̀, dē galv̀ tē mama dí mēn.

<sup>8</sup> Malìka bēlē nii nyien tē dē wúrú nabwana tē. Ba d̀lì won don m̀naa tē wa, kù nē yi ndē paan nēfarv̀ nē, kù mama nē kwé mēn. M̀v̀ tē pwìv̀ batwa v̀n nēdv̀ jigē jana. <sup>9</sup> Wiēn tē, Yui nē fwa, nē wulē m̀naa wa, tē ga jē m̀v̀ tē síì,

pwìú batwa vãn nêdu tıga. Nı́a yuu bwêrê tê dê pwìú batwa vãn nêdu cùgù.

<sup>10</sup> Malıka batwa nii nyiën tê wúrú ka nabwana tê. Kacılacò nêfaru, ku nê kwen mênvoo, ndê malı mên nê, nan lanworu tê wa, ku tu. Ku tva múnεε nêfaran tê pwìú batwa vãn nêdu dê nabuliyıa wa. <sup>11</sup> Kacılacò têntê yırı nê yı <wocıcau>. Nı́a tê pwìú batwa, vãn nêdu lwán ku jı wocıcau. Yá nı́a têntê dãn jigê nacıcau. Ku mù nê pın, tê gv lıà zenzên, ba nê nyua tê.

<sup>12</sup> Malıka banıa nii nyiën tê wúrú ka nabwana tê. Yıcau tê pwìú batwa, vãn nêdu jigê yikunu. Ku yoo tê tun cânà tê yıra, ku ga tun kacılacê tê dê yıra. Ku nêtu dãn pın, tê nêdu mama pwìú batwa, vãn nêdu jigê nêzonu. Yá yıturu pwìú batwa, vãn nêdu jigê yikunu. Tıtın dê pwìú batwa, vãn nêdu jigê yikunu.

<sup>13</sup> À kúú ywán à na zunpuu, ku wulê yı nê ban ban, ku pəri. À nı dê ku baa ku kê yı nê, ku wú: «Máná tê, malıke batwa tê duên tê nê wá wúrú tê nabwanan batwa tê, lεε wá bà, lεε wá bà, lεε wá bà, tia yuu lèzoni yuu wa».

## 9

### *Bonu nii nabwana tê wúrú yoo (Apokalisë 16.10-11)*

<sup>1</sup>\*Malıka bonu nii nyiën tê wúrú ka nabwana. À nı kacılacò, ku nan yı nê, ku tu tia. Ba pın ku buu tê, ku dêń nê lù zenzên tê borbiu. <sup>2</sup> Ku súrı buu têntê, nywıń ga nan ku wa, tê dı yı nê. Tê nywıń tê yı ndê mênvoo nêfaru nywıń nê. Buu tê nywıń tê pın, yıcau tê dê lanworu tê jı yikunu.

<sup>3</sup> Jørən nan nywìń tē wa, tē sú tia. Yá ba dāń pın tē cwan, ka nē yı ndē nı̄ja cwan nē. <sup>4</sup> Ba dāń ga swın tē con, tē dāń ká fwa lwanı tia yuu gau tē yıra, nē à yèé wolıv nēdv yıra, nē à yèé tıv nēdv yıra. Yá tē dāń nē wáá lwanı tē fwa lià tē yıra, ba nē ba Yı tē jē ba tēlé nē. <sup>5</sup> Ba wà tē diàn pın, sē tē gv lià tēntē, ba dāń nē pın tē cwə̄jə, sē tē kē ba càn wa, cànı bonu. Yá càn tēntē, tē nē wá kē ba nē, wá yà ndē nēn nē dı̄ja liù nētv. <sup>6</sup> Kú máńá tēntē wa, ləzoni wá pià tıan, yá ba ga bá na tē, abada. Ba wá pià, sē ba tı, tıan ga wá dəri, tē va yı̄ııı, tē yá ba. <sup>7</sup> Tē jørən tēntē yı ndē sēsen nē, ba nē tanı, sē ba ja va kùv. Tē yun wa, wiən duən ya wulə lá, tē nē yı ndē sían yupurən nē, tē yēē ga yı ndē ləzoni yēē nē. <sup>8</sup> Tē yukoran tē yı ndē kana yukoran nē, yá tē yelə ga yı ndē gərən yelə nē. <sup>9</sup> Tē nyvna tē yı ndē pamana lugu gànù nē. Yá tē vānà tē kwirə yı ndē kùv bwərə tē, sēsen nē dáá nē yáá vāja, tē ja dəri, tē vələ kùv. <sup>10</sup> Tē yá jē dəbələ də tē suran ndē nı̄ja nē. Kú ga yı tē dəbələ tē wa nē, tē diàn tē nāja, tē ma kəni càn ləzoni nē, kú ja vələ cànı bonu. <sup>11</sup> Tē piú nē yı \*Sıtana malıka tē, ka nē ywāńá buv tē, kú dēń nē lù zənzən, tē yuu. Ebərə-ba svgv wa, ba bōjə ka <Abadun\* >, \*Gərəkə-ba də svgv wa, ba bōjə ka <Apulıvı>.

<sup>12</sup> Tēntən lēē tē kēēń. Nēń, lēē bələ duən, tē nē wá bā kú kwa nē.

*Bardv nii nabwana tē wúru yoo  
(Apokalisë 16.12-16)*

\* **9:11** 9.11 Kú yı tēntē dēń nē yı cı̄cıranyı̄en liù.



13 \*Malıka bardu nii nyiën tē wúrú ka nabwana. À dǎn ma nì kori don, ku swìn, ku naŋa síán \*joŋi kúrí nanyɔran banıa tē con, ku nē wulə Yu yáá con. 14 Kori tē dǎn swìn malıka bardu nii nyiën tē con, ka nē jə nabwana tē, ka wú: «Kùrí malıke banıa tē, ba nē vwə də banzala mɔnaa nəfaru tē nii nē, ba nē boŋə <Efəratə>.» 15 Yá ba dǎn kùrì malıke banıa tē, tē nē ken tē sírí, tē dǎnì ku bırı tē, ku cǎnà tē də ku máŋá tǎntə tətə, ku dıın tē. Tē ken tē sírí, sə tē gv ləzoni pwìú batwa wa vǎn nədu don tıa yuu wa. 16 À nì də, ba swìn pamana tē nii, ba nē dıgà səsen tē, ba bırı nē. Ba swìn də ba yı lià miliyɔn biələ. 17 Mə ku tē, Yu nē pa, à na tē nē yı nətu. À nı səsen də lià nē dıgà tē yuu, ba lià tē yà zva pamana lurən ganan. Lurən tǎntə yı nəstıan, ndə mən nē. Tē ga yı pùpòò ndə nywìın nē. Tē mù nē yı səmun ndə jirəbuu nē də. Səsen tē yun yı ndə gərən yun nē. Tē níé wa mən də nywìın də jirəbuu nē naŋa lá. 18 Tē wiən batwa tǎntə gva ləzoni pwìú batwa vǎn nədu tē don. Tē gva ba də mən, də nywìın, də jirəbuu tē nē naŋa tē níé wa. 19 Səsen tē dıàn yà yı tē naŋa tē níé tē də tē dəbələ wa. Tē dəbələ tē yı ndə dıŋa nē, tē ga jə yun də. Yá ku yı tē yun tǎntə nē, tē ma fwa ku tē nē lwara.

20 Ləzoni tē, ba nē ga lá, wiən tǎntə nē wà gwı, wà səe ba vəvəri ba kwa, ba ma sá wiən tē ba nē fwa də ba juın. Ba tē pıın dun \*zinə tē nē də woŋwanan tē nē, ba nē fwa də ba tətə juın. Tē woŋwanan tǎntə yı ba fwa də síán, nē à yèé də cııta, nē à yèé də kapana, nē à yèé də daran.

Tə wonwanan təntə yía ba na, tə zian ba nèh, tə ga wàrì tə vèli. <sup>21</sup> Ba mù ləzoni təntə wà ba kwa vəvəri, ba ma sá ba laguri tə, nə à yèé ba cırı tə, nə à yèé ba ka pèh duən vεε vεε tə, nə à yèé ba ηwìràn tə.

## 10

### *Sagibiə tə, ba nə pın Zwan nə tə, yoo*

<sup>1</sup> À nı \*malıka don, ka nə jə dıàn zənzən də ka nan Yı sàh ka cwı. Ka yà pəpəri ka tıàn də bakwan. Ka yuu con kıkarı də dwà sùú, ka yáá tə ga yı ndə yıcau nə. Ka nəε tə də yı ndə ywəhə nə, tə nə jə mən. <sup>2</sup> Ka yà jə sagibiə, ku nə sùrí ka jıın wa. Yá ka dān tún ka jızən naa tə muu yuu wa, ka ga tún ka jıgwiə naa tə tia yuu wa. <sup>3</sup> Ka dān ga zın ka kori, ka kə yı nə, ka bubwi ndə gəru nə yáá baa nətu tə. Ka nə bubwi nətu tə kwa nə, dwà baa nəε barpe. <sup>4</sup> Máná tə, dwà nə baa nəε barpe tə, à yà pıà à púpúnı, yá à dān nı kori, ku nə nan Yı \*sàh, ku swın à con, ku wú: «Dān ká púpúnı ku tə, dwà tə nə baa nəε barpe ka swın tə, n pa ba lwarı. Ja ku n con nə!»

<sup>5</sup> Yá malıka tə, à nə nı də ka zıga yı nə, muu tə də tia tə yuu wa, dān zın ka jızən jıın tə, ka te yı nə. <sup>6</sup> Ka dùè də Yı tə, v nə wulə mu wa, máná də máná, ku nə ba zwèe, v nə fwa lanworu tə də wiən, tə nə wulə ku wa. U fwa tia də ka yuu wiən, v fwa muu də ku wa wiən. Ka dùè də Yı yırı tə ka swın də, ku kúv ba ja ka lı máná, ka ma dān. <sup>7</sup> Yá máná tə, malıka barpe nii nyiən tə nə wá kə ka sırı, ka wúrí ka nabwana tə, ku máná tə wa, Yı dān wá pa, v cígá tə, ka nə sègè,

tun ka nii sú. U yà swìn ku sɔywánú tɛntɛ, ɔ tɔ̀tɔ̀nà tɛ nɛ yɪ ɔ nii \*sùsù̀nà tɛ con.

<sup>8</sup> Yá kori tɛ, à yà nɛ nì, dɛ ku nan Yɪ sàń, ku biàn tɛ, kù̀ pìí ku swìn à con, ku wú: «Vɛli, n jon sagɔbiɛ tɛ, ku nɛ súrí, ku wulɛ malika tɛ jɪn wa, ku nɛ zɪga yɪ nɛ, muɔ tɛ dɛ tɪa tɛ yuu wa».

<sup>9</sup> À dǎń vɛli malika tɛ con, à ga swìn ka con, sɛ ka pa nɛ sagɔbiɛ tɛ. Ka ma swìn à con, ka wú: «Jon ku, n lɛri! Ku wá yà lán lán n nii wa, ndɛ tɪran nɛ. Yá ku ga wá yà cǎn kwalɔ kwalɔ n pùé wa». <sup>10</sup> À jon sagɔbiɛ tɛ, malika tɛ jɪn wa, à lɛri. Ku yɪ lán lán à nii wa ndɛ tɪran nɛ. Yá à dǎń nɛ lɛri ku, ku jigɛ cǎn kwalɔ kwalɔ à pùé wa. <sup>11</sup> Ba dǎń ma swìn à con, ba wú: «N mɛ, sɛ n tɛ bwé n swìn Yɪ nii sùrǎn tɛ, n birɪ lɔɔ nii kapɔɔɔ lǎ nɛ, dɛ lɔɔ dwíé kapɔɔɔ, dɛ nɛndɛli yiri kapɔɔɔ lǎ nɛ, dɛ pèegá kapɔɔɔ nɛ».

## 11

*Lǎ bɛlɛ tɛ, ba nɛ swìn cígá tɛ, ba birɪ  
(Likɛ 21.24)*

<sup>1</sup> Ku kwa nɛ, ba dǎń pɪn nɛ muɔ, ba nɛ ma maɲa wiɛn, ku nɛ yɪ ndɛ dabiɛ nɛ, ba ga swìn, ba wú: «Zǎn, n ga man Yɪ \*dìè tɛ dɛ ku \*jonɪ kúrí tɛ, sɛ n gǎlì lǎ tɛ nii, ba nɛ wulɛ ku wa, ba pɪn dun Yɪ nɛ. <sup>2</sup> Yá Yɪ dii tɛ yáá tɛ nɛ dà, kǎrá con tɛ mù, dǎn ká man ku. Yɪ pɪn yáá tɛntɛ, lɔɔ dwíé tɛ duɛn tɛ mama, ba nɛ yèrì Zwezi-\*Kɛrisɛ nɛ lɔɔ wa. Dwíé tɛntɛ wá nɪɲa tɪɔ tɛ, ku nɛ yɪ Yɪ nyiɛn tɛ dɛ nɛɛ, halɪ, ku ja vɛlɛ cǎnì sapwilɛ dɛ bɛlɛ». <sup>3</sup> Yɪ kù̀ ma swìn, ɔ wú: «À wá tun à

là bələ, ba nə wá swìn à cígá tə, ba biri. Ba là təntə zba pucunı ganan. Ba wá swìn à sugv, ba biri là nə dian mürò də biələ də sapwıtwa (1 260)». <sup>4</sup> Kú là bələ təntə nə yı ndə \*oliviye tian bələ tə də canzılan bələ tə, tə nə zıga \*Yuu-Tiu yáá con, v nə dé pàrì tia yuu wa. <sup>5</sup> Liù nə pià, sə v fwa ba lwanı, mən yáá nan ba nii wa, tə dé ba duŋa tə, tə cùgù. Cígá, liù nə pià, v cùgù ba, kú mɛ, sə ba gv kú tíú nətɔ. <sup>6</sup> Ba jə diàn, sə ba ja, dwà ka dàn ká nà, máná tə wa, ba nə wá swìn Yu nii sùràn tə. Ba ga jə diàn, sə ba lwan nía, ba pa, tə jì jana. Ba jə diàn də, sə ba kə yacara yiri mama là tə nə, ba nə wulə tia yuu wa, máná tə mama, ba nə pià.

<sup>7</sup> Máná tə wa, ba nə wá swìn Yu sùràn tə, ba zwèe, wojjiru tə nə naŋa \*Sitana malıke buu tə wa, kú dèñ nə lu zənzən tə, dān wá zıgı ba nə də kùd. Yá kú wá ta ba, kú dé, kú ga wá gv ba. <sup>8</sup> Ba wá yá ba tıga tə kanporu wa, tıv nəfarv\* tə tətəŋi wa. Mə kú bwálí təntə wa nə, ba paa ba \*Yuu-Tiu dagarv yuu wa. Yıra tə tə nə biri tıv təntə nyinyıga nə yı \*Sodómə də \*Ezwipətə.† <sup>9</sup> Luv nii mama là, dwíé yiri mama là, də nəndəli yiri mama là, də luv dwíé tə mama wa, wá ywàn ba tıga tə, kú ja vələ dian batwa də fan. Yá ba bá pa cwəŋə, sə ba gùrì tıga təntə. <sup>10</sup> Tıa yuu ləzoni wá jwɛ ba mù là

\* **11:8** 11.8 Sodómə yá yı tıkwıwıv, kú nə súde də là tə, ba nə tıŋa kú tə mama, ba nə swə, Yu ma cùgù kú. Yızərayələ là tə yá yın ywəŋə Ezwipətə nə. † **11:8** 11.8 Sodómə yá yı tıkwıwıv, kú nə súde də là tə, ba nə tıŋa kú tə mama, ba nə swə, Yu ma cùgù kú. Yızərayələ là tə yá yın ywəŋə Ezwipətə nə.

bələ təntə tian tə yırı, ba ga wá yà pupwən wa. Ba wá tən zilé wiən duən yıra, ba mù Yıı nii \*sùsùnà bələ təntə tian tə yırı, ba nə wəwalı tıa yuu ləzoni zənzən tə yırı.

<sup>11</sup> Dıan batwa də fan tə kwa nə, Yıı pın \*sııu, ku nə pın mı, bà ku zı ba, yá ba dən ga zàn, ba zıga ba nəe nii nə. Fən nəfarı dən zıa lıà tə, ba yà nə ywàńá ba. <sup>12</sup> Ba nı kori tə nə jə dıàn də ku baa, ku nan yıı nə, ku swın ba con, ku wú: «Á dıa yəbə!» Yá ba dən dıgà yıı nə bakwan wa, ba dııa tə ga na ba. <sup>13</sup> Ku máná tə wa, tıa vuvugu zənzən, yá tıv tə pwıú fugə vən nədu buburı duən yuu wa. Ləzoni mürü barpe (7 000) tıga, ku mù tıa tə vuvugu təntə wa. Fən zıa ba duən tə, ba ga pa dun Yıı nə, v nə wulə v sán nə.

<sup>14</sup> Bələ nii lee tə kèen. Ku kwa nə, nəń, batwa nii lee tə nə, tə nə wá bà sún sún.

*Nabwanan barpe nii nyıen tə yoo  
(Apokalisè 12.10; 19.6)*

<sup>15</sup> \*Malıka barpe nii nyıen tə wúru nabwana. Kwərə tə nə jə dıàn baa, tə nan Yıı sán nə, tə wú:

«Lıv pàrì tə twı nə \*Yuu-Tıu də \*Kərisə tə, v nə tın wá. V wá də pàrì, máná də máná, ku nə ba zwèe».

<sup>16</sup> \*Nəkwına sapıa də banıa tə, yà nə jèé Yıı yáá nə padaran tə yuu wa nə tə, tıa ba yáá yuu, ba wulə ba pın dun Yıı nə. <sup>17</sup> Ba swın, ba wú:

«Nə kəni n lèèèe Yuu-Tıu Yıı tə, n nə wulə tə me yuu wa. N mù nə yın lá, n mù ga nə wulə. Nə pın mú dun, n dıàn nəfarı tə nə pın,

n tún n pàrì tē yiri. <sup>18</sup> Luv dwíé tē mama luja yà zaŋa Yu yuu wa. Yá Yu luja tē twi síún nē. Máná dàń yí, sē n b̀̀r̀ì tɪga b̀̀rà. N wá ŋwín n t̀̀t̀̀nbiã tē, ba nē yi n nii \*s̀̀s̀̀nà tē. N wá ŋwín là tē mama, ba nē yi n mù nē tɪ, dē ba tē mama, ba nē zìlì mú, dē ba ləzwənbii dē ba ləzwənfaran. Yá n dàń wá c̀̀g̀̀ là tē, ba nē c̀̀g̀̀ tɪã tē, k̀̀ máná t̀̀ntə wã».

<sup>19</sup> Ku kwa nē, Yu \*dìè tē Yu sàń tē wa dàń s̀̀rí. Yu dìè tē wa, \*nimaru daka tē nan yíã yuu. Dwà pɪpɪlɪ, ka baa, kwərə duən dē yin lá, tɪã tē dē ga vɪvaga, dwakafina dē ga nan, tē lwá dē diàn.

## 12

### *Kan dē tɪdən yoo*

*(Apokalisë 2.26-27; 1 Piyerə 5-8)*

<sup>1</sup> Ku kwa nē, mɪmɪnɪv nəfarv don nan yu nē. À nɪ kan don, yɪcav tē nē pəpəri wá ndə gànù nē, cànà tē ga wulə v nɛɛ dèń. Kacɪlaccə fugə bələ nē yi v dun yupuu, k̀̀ nē púé v yuu nē, k̀̀ kɪkari.

<sup>2</sup> Kan tē yà jə pùé v p̀̀à, sē v lɪrɪ. Yá v lɪrɪ tē càn dàń pɪn, v bubwi.

<sup>3</sup> Mɪmɪnɪv tē don kúè nan yu nē. Nèń, k̀̀ yi tɪdən nəfarv, nəsɪan ndə mən nē, k̀̀ nē jə yun barpe dē nyɔran fugə nan k̀̀ zɪga. Dun yupuu yà púé k̀̀ yuu tē nədv mama nē. <sup>4</sup> Ku dəbəlɪ bɪbalɪ kacɪlaccə, tē nē wulə lanworu tē wa, p̀̀wú batwa vàn nədv don, k̀̀ lwá tɪã yuu wa.

Tɪdən tē dàń zàn k̀̀ zɪga kan tē, v nē p̀̀à v lɪrɪ, tē yáã con. Yá máná tē wa, v dàń nē lɪrɪ, k̀̀ p̀̀à k̀̀ dé v biú tē. <sup>5</sup> V lɪrɪ biú. V mù bibɛɛ

təntə nə wá dé pàrì luv dwíé tə mama yuu wa də diàn. Yá ba dàń jon v biú tə, ba ja va Yui con, v padav tə nə wulə lá. <sup>6</sup> Kan tə ma dəri, v va kasoo lanworu wa. Yui yà kwen bwálí, v tún v nə lá, sə v li v nii nə, ku ja vələ dian mùrò də biələ də sapwɪtwa (1 260).

*(Likə 10.18-19)*

<sup>7</sup> Kùò dàń twi ku zàn Yui \*sàń nə. \*Malıke pìú Miswelə də v malıke tə ta tıdən tə. Tıdən tə də də ku malıke ta ba zıgı ba nə. <sup>8</sup> Yá tıdən tə dàń nə wà diàn dí ba yuu wa. Ku də ku malıke tə yà kùò ba tə bwálí jə Yui sàń nə. <sup>9</sup> Ba dıı ku mù tıdən nəfarv təntə də ku malıke tə tia yuu wa. Ku mù nə yi dən nədwan tə, ba nə boŋə <\*zini pìú>, nə à yèé \*Sitana. Ku mù nə gıgarı là tə nə wulə tia ka tə yuu mama wa.

<sup>10</sup> À dàń nì kori, ku nə jə diàn də ku baa, ku nan Yui sàń nə, ku swın, ku wú:

«Síún nə, máńá dàń yí, yá Yui jon là Sitana jìàn wa. Nə nyuna Yui bıri v diàn tə, də v pàrì tə nə yi nətv. \*Kərisə tə, v nə tun tə, də ga bıri də, Yui ken diàn v jıın wa. Ku yi cígá, ba yigu liú tə, v nə swın v zıga ba tə nə, ba nə yi nə nubıa Kərisə yırı, ba li Yui sàń nə, ba dı tia. U mù nə yi liú tə, v yà nə swın, tıjaŋa sùràn v ma zıga ba nə, tıtın də yıcau, nə nyuna Yui tə yáá con. <sup>11</sup> Nə nubıa tə dí diàn v yuu wa, liú tə nə yi ndə pabiə nə tə jana tə yırı, tə nə lwá də Yui sugv tə yırı, ba nə swın ba bıri là nə. Ba sèe, sə ba ja ba muı tə, ba ma lárı tıan. <sup>12</sup> Ku mù tə yırı, á yana pupwən wa,

á mù lià tē, á nē wulə Yui sàń tē wa. Yá læɛ dàń wá yà tia yuu wa dē mɔv wa, Sɪtana nē cuə tē con tē yiri. U súé dē lɪŋa, v nē yèé dē, v máńá tē nē ga kúv ba dáá yiri».

<sup>13</sup> Máńá tē, tɪdən tē nē ni dē ku yi, ba dɪli ku tia tē yuu wa, ku pe kan tē nē lɔri bibɛɛ tē, ku kə ku yáá. <sup>14</sup> Ba pɪn zənpurən nəfarv vànà bələ kan tē nē, sə v ma pəri, v va kasɔɔ lanworu wa. Bwálí wulə kasɔɔ lanworu təntə wa, Yui nē wá li v nii nē lá, bɪna batwa dē fan. Yá v dē ku mù tɪdən tē kúv bá boli duən. <sup>15</sup> Tɪdən tē tɔni níá ku li ku nii wa, ndə mɔnaa nē, kan tē kwa con, sə tē pèe wá tē ja jén. <sup>16</sup> Yá tia tē san kan tē nē, ka súrí ka nii, ka nyv mɔnaa tē, tɪdən tē nē tɔni ku li ku nii wa, ku dɪli kan tē kwa tē. <sup>17</sup> Tɪdən tē lɪŋa zàn kan tē yuu wa, ku dàń ma píi ku va ku zìn kúv kan tē bia gɪgani nē, ba nē yi lià tē, ba nē sèe ba twá Yui \*nii yìèn tē nē, ba ga swìn Zwezi sùràn tē, ba bɪri dē ba twá tē nē. <sup>18</sup> Tɪdən tē dàń ma kèen ku va, ku zɪga mɔv tē vàn nē.

## 13

### *Wojjiru tē nē nan mɔv tē wa nē yoo (Apokalisè 17.3, 7-17)*

<sup>1</sup> Ku kwa nē, à ni wojjiru don dē ku naŋa mɔv wa. Ku wojjiru tē yà jə nyɔran fugə dē yun barpɛ. Nyɔv nədv mama yuu yà jə dun yupuu. Yun tē nədv mama yuu wa, yira yà púpúná, tē nē twɪn Yui.

<sup>2</sup> Wojjiru tē, à nē ni tē, yi ndə gwíə nē. Ku nəɛ tē yi ndə kanyakuru nəɛ nē, ku nii tē ga yi ndə gəru nii nē. Yá tɪdən tē dàń pɪn ku diàn tē, dē ku padau tē, dē pàrì nəfarv wojjiru tē nē. <sup>3</sup> À ni



wojjiru tē yuu nēv don, ba nē mà ba tún nūran ku yura, ndē ku wá tī. Yá ku nūran tēntē dān pīi tē zūri. Ku dān gwári tia yuu là tē mama, ba ga dēri ba twá ku kwa. <sup>4</sup> Lìà tē mama dān tua tia tīdēn tē yáá con, ba pa ku dun, ku nē pīn pàri wojjiru tē nē yiri. Ba tua tia wojjiru tē yáá con, ba ga wú: «Lìù tēlé, v nē mē dē wojjiru tē. Lìù tēlé v nē wàá v tē, v zīga ku nē».

<sup>5</sup> Ba pīn cwēḡ wojjiru tē nē, sē ku swīn fwīē sūrān dē yīēn tē nē twīn Yū. Ba tē kúv pīn ku cwēḡ, sē ku dé ku pàri tē, cānī sapwīlē dē bēlē. <sup>6</sup> Ku dān sūrī ku nii, ku swīn yīēn, ku ma twīn Yū dē ku cūgā v yiri tē nē, dē ku twīn v bwálī tē, v nē wulē tē, dē là tē nē wulē Yū \*sān tē wa. <sup>7</sup> Ba pīn ku cwēḡ, sē ku ta ku zīgī là tē nē, ba nē yī \*Kōrisē nē tī, sē ku ta ba, ku dé. Ba pīn ku cwēḡ, sē ku dé dīān dwīé dēkurēn yiri mama là, lūv nii mama là yuu wa, nēndēli yiri mama là yuu wa, dē lūv dwīé tē mama wa. <sup>8</sup> Yá tia yuu là tē mama, ba yura nē wà púpúnī mī sagī tē wa, mánjá tē wa, Yū nē fwa lūv, dān wá tū wojjiru tē yáá con, ba pa ku dun. Mī sagī tēntē yī \*pabīē tē, ba nē ken sīv ka bīan nē tē, nē tī ku.

<sup>9</sup> Lìù mama dān mē, sē v kē dīān, v sūrī v zīan, sē v ma cūgū zēni!

<sup>10</sup> Lìù tē, v nē mē, sē v dūja ja wá, ba ma fwa ku tē, ba nē pīà, ba wá ja ku tíú tē. Lìù tē, v nē mē, sē ba gv dē laguri sīv, ba cīgá wá gv ku tíú dē laguri sīv. Ku nētv tē yiri, là tē nē yī Kōrisē nē tī tē mē, sē ba kē ba waa Zwezi-Kōrisē nē, ba ga ja pīnú wuuu, ba dān ká pīi, ba kē ba kwa.

*Wojjiru tə nə nan tɪa tə yoo  
(Apokalisë 19.20; 14.9-11)*

<sup>11</sup> Kʷ kʷa nə, à nɪ wojjiru don də kʷ nan tɪa kʷ dɪ. Kʷ yà jə nyʊran bələ, tə nə yɪ ndə pabɪə nyʊran nə, kʷ ga swɪn ndə tɪdən nə.

<sup>12</sup> Kʷ yà wulə kʷ tʊŋa də mʊv wojjiru pàrɪ tə, kʷ mʊ mʊv wojjiru tə yáá con. Yá kʷ dàń kálú tɪa də ka yuu ləzoni mama, kʷ pa ba tʊ kʷ yáá con, də ba pɪn dun kʷ mʊ təntən wojjiru təntə nə. Mə kʷ mʊ mʊv wojjiru təntə, nə ba mà ba tún nʊran kʷ yɪra, ndə kʷ wá tɪ. Yá nʊran təntə dàń pɪɪ tə zùrɪ. <sup>13</sup> Kʷ mʊ bələ nii wojjiru təntə yà fwa dɪàn mɪmɪnan nəfaran. Kʷ yà pɪn, mən nan yɪ nə, tə cú tɪa yuu, ləzoni tə mama yíá yuu. <sup>14</sup> Kʷ yà gɪgarɪ tɪa yuu ləzoni də kʷ dɪàn mɪmɪnan tə, ba nə pɪn kʷ cwəŋə, sə kʷ fwa mʊv wojjiru tə yáá con. Kʷ dàń swɪn tɪa yuu ləzoni con, sə ba ma wojjiru təntə, ba nə za də lagʊrɪ sɪú, ba tún nʊran kʷ yɪra, kʷ ga pɪɪ kʷ bwɪn tə nyɪnyɪga. <sup>15</sup> Ba pɪn cwəŋə bələ nii wojjiru tə nə, sə kʷ pa təntən nyɪən tə nyɪnyɪga tə, ba nə ma tə wàní, kʷ na mɪ kʷ sɪí, sə kʷ wàní kʷ swɪn yìèn. Ba pɪn kʷ cwəŋə, sə kʷ pa, ba gʊ là tə mama, ba nə ba tɪa twɪ, ba pɪn kʷ dun. <sup>16</sup> Wojjiru tə pɪn, ba fwa mɪmɪnʊ là tə mama jɪzən jìàn nə, nə à yèé ba tɛ́lé nə. Kʷ yɪn ləzwənbii də ləzwənfaran də jɪjə tɪàn də zʊra də là tə nə tɪ ba tɪàn də ywəŋə. <sup>17</sup> Yá liù mama bá wàní won ʊ yoli, nə à yèé ʊ jon ʊ yè, də kʷ tíú tə nə ba kʷ mɪmɪnʊ tə jə. Kʷ mɪmɪnʊ təntə nə bɪrɪ, wojjiru tə yɪrɪ tə nə yɪ nətʊ, nə à yèé, nanba tə, kʷ nə bɪrɪ kʷ yɪrɪ tə.

<sup>18</sup> Mə yəbə nə wʊbʊŋa mɛ, sə kʷ ya lá. Liù tə,

υ nə jə yənu, nə wàá kʷ nanba təntə dèñ υ jəli  
υ lwarı. Kʷ nanba təntə bırı bæε ləzoni nanba.  
Kʷ yı biərdʊ də sapwıtwa də bardʊ (666).

## 14

*Pabiə tə də υ kwa lià tə yoo*  
(*Ebərə-ba 12.22-24; Apokalisë 7.3*)

<sup>1</sup> Á cʷga zəni, à ywàñ də à na, \*pabiə tə, ka zıga  
yı nə paan tə, ba nə boŋə <Siyon\* >, tə yuu wa.  
Lià mürù bíí də mürù sapwilə də mürù banıa  
(144 000) yà wulə də wá, ba yà nə jə υ yırı tə,  
də υ nyına Yı tə yırı tə, tə nə púpúnı ba télé  
nə. <sup>2</sup> Á nı kori, kʷ nə nan Yı sàñ, kʷ yı ndə  
níá nə dáá, tə ga dəri tə biàn, kʷ ga yı ndə dwà  
nə baa də diàn. Kʷ kori təntə, à nə nı tə, yı ndə  
kunkodurə nə wulə, ba dwı ba kunkolu. <sup>3</sup> Ba dāñ  
wulə ba nuŋə nuŋə nədʊn Yı padav tə yáá, də  
wiən banıa tə, də \*nəkwına tə yáá con. Liù təlél,  
υ nə wàá kʷ nuŋə tə υ kwè, də kʷ nə tà ba lià  
mürù bíí də mürù sapwilə də mürù banıa (144  
000) təntə, Yı nə yè lià təntə υ jon, tıa ka tə yuu  
wa. <sup>4</sup> Ba lià təntə yı lià tə, ba nə cıgà ba tiàn  
nə, ba wà durən yièn fwa. Ba yı lià tə, ba nə wà  
cwàri də duən. Ba yı pabiə nə tə kwa bwálı tə  
mama, ka nə vələ. Yı yè lià təntə υ jon ləzoni  
pwərə wa, sə ba ya υ mü Yı də nə, tə təntən lià.  
<sup>5</sup> Kunkʊn wà ba lià tə nii wa nan. Ba yı lià tə,  
ba nə ba yoo jə, ba nə wá caga ba nii nə kʷ yırı.

---

\* **14:1** 14.1 Kʷ yı paan tə, \*Zwerizalemə nə lwè kʷ yuu wa, yırı  
nədwān.

*Yü bürà tə yoo*

*(Tətvnan 17.30-31; Apokalisè 18; 19.19, 20)*

<sup>6</sup> Kū kwa nə, à nı \*malıka tə don, ka nə pəri, ka nan yü nə ban ban. Ka yà jə sɔywáŋú, kū nə wulə máŋá mama wuu, sə ka swın ka bıri tia yuu ləzoni nə, də lɔɔ dwíó tə mama wa nə, də dwíé dəkürən yiri mama là nə, də nəndəli yiri mama là nə, də lɔɔ nii mama là nə. <sup>7</sup> Malıka tə zın ka kori, ka kə yü nə, ka wú: «Á zilé Yü, sə á ga pa wá dun, máŋá nə yí, sə ɔ bürì ləzoni bürà yırı. Á twia Yü yáá con, á pa wá dun. Ʈ mù nə fwa lanworu, də tia, də muɔ, də nabuliyıa».

<sup>8</sup> Malıka don, ka nə yı bələ nii nyiən, twá təntən nyiən tə kwa, ka bà, ka swın, ka wú: «Kū tua, \*Babilɔnə tiv nəfarɔ tə tua buuu. Babilɔnə tián yà pın lɔɔ dwíé tə mama wa, twá ba nə, ba pəni duən vɛɛ vɛɛ, ndə ba nyɔa swana ba bubɔni».

<sup>9</sup> Malıka don, ka nə yı batwa nii nyiən, twá təntə nyiən bələ tə kwa, ka bà, ka zın ka kori ka kə yü nə, ka wú: «Lìù tə, ɔ nə tua wojjiru tə də kɔ nyınyıga tə yáá nə, ɔ pa kɔ dun, yá kɔ tíú ga jə wojjiru tə mımıɔ ɔ təlí nə, nə à yèə ɔ jıɔn nə, <sup>10</sup> Yü lıŋa tə wá zàn ɔ yuu wa zənzən, ndə ba nə lwa swana tə nə dá wùrú zɔŋa wa, ba pa ɔ nyɔ ɔ bubɔni. Yá Yü dān wá kə kɔ ləzwənyiri təntə, mən də jirəbuu wa, sə tə pa ɔ dé càn, ɔ malıke tə də \*pabiə nə tə yáá con. <sup>11</sup> Mən tə dān wá kə càn ba ləzwənyirə təntə nə, tə nywín ga zaŋa, máŋá də máŋá, kū nə ba zwèe. Yá ba ba na sié yıcaɔ də tıtın. Ba yı là tə, ba nə tua wojjiru tə də kɔ nyınyıga tə yáá con, ba pa kɔ dun. Yá

ba yi là tə, ba nə sɛe, ba pa ba fwa wojjiru tə yiri tə mɪmɪnɒ ba yira».

<sup>12</sup> Kɒ nətɒ tə yiri, là tə, ba nə yi Kərisə nə ti, ba nə twá ɒ \*nii yìèn tə nə, ba ga kə ba waa Zwezi-Kərisə nə mɛ, sə ba ja pínú wuuu, ba dàn ká pìi ba kə ba kwa.

<sup>13</sup> À nì kori, kɒ nə nan Yɪ \*sàń kɒ nə swìn, kɒ wú: «Púpúní, kɒ nə zɪgɪ síún nə: Pupwən là nə yi là tə, ba nə ken ba waa \*Yuu-Tiu nə, ba ga zɪgɪ lá ba ti. Yɪ-\*Siŋu tə le, kɒ wú: «Kɒ yi cígá, ba wá sɪi ba tɒtɒncaran tə jɪn wa, yá tə mù dǎn nə bɪri kɒ tə, ba nə tun».

*(Matie 13.37-43)*

<sup>14</sup> À nə ywàŋá də nèn, bakwan nəpon nə, won yà jèé kɒ bakwan tə yuu wa, kɒ yi ndə ləzwənə nə. ɒ yà púé síán yupuu ɒ yuu nə, ɒ ga jə sɪkwara, kɒ nii nə yi fula fula, ɒ jɪn wa. <sup>15</sup> \*Malika don nan Yɪ \*dìè tə wa, ka zìn ka kori, ka kə yɪ nə, ka swìn liù tə con, ɒ nə jèé bakwan tə yuu wa, ka wú: «Tɪa yuu wiən tə bɪga tə mɛ, sə ba gian tə. Mǎŋá yí, sə ba gian tə! Ja n sɪkwara tə, n ma gian tɪa yuu wiən tə!» <sup>16</sup> Liù tə, ɒ nə jèé bakwan tə yuu wa, dǎn ma ja ɒ sɪkwara tə, ɒ ma gian tɪa yuu wiən, tə nə bɪga tə mama, ɒ zwèe.

<sup>17</sup> Malika don də tə nan Yɪ dìè tə wa, kɒ nə wulə Yɪ sàń nə. Ka də yà jə sɪkwara, kɒ nii nə yi fula fula. <sup>18</sup> Malika don də ka nə jə dǎn mən yuu wa, nan \*joŋi kúrí tə con, ka zìn ka kori, ka kə yɪ nə, ka swìn ka tə nə jə sɪkwara tə, kɒ nii nə yi fula fula tə con, ka wú: «Ja n sɪkwara tə, kɒ nii nə yi fula fula tə, n ma pùrí kacan, tə nə bɪga,

tə wulə tia yuu kacán kárá tə wa!» 19-20 Malíka tə dàń ma ja ka síkwara tə, ka ma pùrí kacán, tə nə wulə tia yuu wa, Ka tí tə, ka lwá zɔɔ nəfaru wa, sə ka kaŋa tə, ka ma fwa swana, sə kɔ bɪrɪ Yɪ lɪŋa nə zaŋa zənzən nətu. Ba tɪtaga kacán tə. Zɔɔ nəfaru tə wa kɔ yà nə wulə tɪv tə nii nə. Jana nan kɔ bwálí tə wa, tə dəri tia, tə va kilomɛtərə biətwa (300). Kacán níá təntə yɪ jana, tə dàń ga luŋə zənzən. Sɪsan nə zɔa tə wa, tə wá dɪ, tə yí ka nii kwìón.

## 15

*Malíke barpe tə də yacara yirə yirə tə yuu yoo (Apokalisè 19.1-4; 11.19; 16.1)*

<sup>1</sup> Kɔ kwa nə, à nɪ mɪmɪnɔv don lanworu tə wa, kɔ yɪ nəfaru, kɔ ga yɪ wobalu. À nɪ \*malíke barpe, tə nə wáá yacara dəkurən barpe tə kəni là nə. Mə tə mù talíkwa yacara barpe tə nə Yɪ wá twá, v ma tɔn v lɪŋa tə, v pa tə sú.

<sup>2</sup> Kɔ kwa nə, à tə nɪ won ndə muv nə, kɔ nə yɪ ndə zəŋə nə, kɔ nə gùlí də mən. À nɪ ba tə, ba nə dí diàn wojjiru tə də kɔ nyɪnyɪga tə yuu wa də won tə, kɔ yɪrɪ tə nə yɪ nanba tə, yuu wa. À nɪ ba də ba zɪga kɔ mù muv tə, kɔ nə yɪ ndə zəŋə nə tə, yuu wa, ba ga jə kunkwələn tə, Yɪ nə pɪn ba. <sup>3</sup> Ba wulə ba nuŋə Yɪ tutɔnbɪu \*Moyizə nuŋə tə, tə nə yɪ liù tə, v nə yɪ ndə \*pabíə nə tə də nuŋə, Ba nuŋə ba wú:

«Nə \*Yuu-Tiu Yɪ, n wulə tə mə yuu wa, kɔ tə n nə fwa dáá, kɔ ga jə fɪra. N yɪ dwíó tə mama pìú lɔv wa. N coŋi tə yɪ mənə mənə, tə ga yɪ cígá coŋi də. <sup>4</sup> Yuu-Tiu, là

tə mama zilí mú, ba ga bwɪ n yɪrɪ tə nə. N m̀ù cɪcɪ nə yɪ Yɪ. N dwə won mama. Lɔv dwíé tə mama wa wá bà, ba tɔ n yáá con, ba pa mú dun, ba nə wá na n tɔtɔnan, tə nə yɪ cígá tə yɪrɪ».

<sup>5</sup> Kɔ m̀ù tɛntə kwa nə, à nɪ Yɪ \*diè tə, ka sùrí Yɪ \*sàń nə, yá Yɪ \*nimarɔ gansili tə ga wulə ka wa. <sup>6</sup> Malɪkɛ barpɛ tə nə kəni yacara dəkurən barpɛ lià nə tə, nan Yɪ diè tə wa. Tə zɔa ganpwənə, tə nə tɔŋə mən, tə ga vwa síán vwərən tə nyɔna nə. <sup>7</sup> Wiən banɪa tə wa won don pɪn síán wùrú zɔŋɪ barpɛ, malɪkɛ barpɛ tə nə. Kɔ tə nə wulə wùrú zɔŋɪ tɛntə wa, bɪrɪ Yɪ lɪŋa tə. U m̀ù Yɪ nə wulə mɪ wa, máná də máná, kɔ nə ba zwèe. <sup>8</sup> Yɪ dun tə də v diàn tə pɪn, nywɪń sù Yɪ diè tə. Liù mama yà kùv wàrɪ diè tɛntə wa v zɔwɪ, kɔ jə vələ máná tə, malɪkɛ tə yacara dəkurən barpɛ tə mɛ nə wá bà tə tɔn tə zwèe.

## 16

### *Malɪkɛ barpɛ tə də càn yirə yirə tə yoo (Apokalisè 8.6–9.21)*

<sup>1</sup> À nì kori, kɔ nə jə diàn də kɔ baa, kɔ nan Yɪ \*diè tə wa. Kori tə swɪn \*malɪkɛ barpɛ tə con, kɔ wú: «Á vələ, á lwá kɔ tə nə wulə wùrú zɔŋɪ barpɛ tə tə wa, kɔ nə bɪrɪ Yɪ lɪŋa tə, tia yuu wa».

<sup>2</sup> Tɛntən malɪka tə vɛli, ka lwá ka wùrú zɔŋa tə tia yuu wa. Nɔran kɔkwɪnan, tə nə wùrɪ báá báá báá, zən, tə tɔ lià tə yɪra, ba nə jə wojijiru

tə mʊmʊnʊ tə ba yɪrə, ba ga twɪ kʊ nyɪnyɪgə tə yáá con, ba pɪn kʊ dun.

<sup>3</sup> Bələ nii malika tə lwá ka wùrú zɔŋa tə mʊb tə wa. Níá tə zən tə jì jana, ndə tɪgɪ jana nə. Yá mʊb tə wa wiən tə də mama tɪgə.

<sup>4</sup> Batwa nii malika tə lwá ka wùrú zɔŋa tə mʊnɛɛ də nabuliyɪa wa. Tə də níá tə zən tə jì jana. <sup>5</sup> À dàń nì də malika tə, ka nə ywàŋá níá yuu wa, swìn, ka wó:

«N mù nə yɪ cígá tíú. Yá n ga tə wulə wuuu. N mù nə yɪn lá fuən fuən. N mù cɪcɪ nə yɪ Yɪ, n nə dwə won mama. Kʊ yɪ cígá, n b̀̀r̀̀t̀̀ ỳ̀l̀̀ǹ̀ t̀̀ə t̀̀ə b̀̀r̀̀r̀̀, ndə kʊ nə mɛ nɔtʊ. <sup>6</sup> Ba mù lià tɛntə gʊa lià tə, ba nə yɪ \*Kərisə nə tɪ, də n nii \*s̀̀s̀̀s̀̀ǹ̀à t̀̀ə jana ga lwá tɪa. Yá síb̀̀ǹ̀ nə, n dàń pɪn níá tə jì jana, sə ba nyʊ. Kʊ mù nə mɛ də ba».

<sup>7</sup> À dàń nì kori, kʊ nə nan jɔŋi kúrí tə con, kʊ swìn, kʊ wó:

«Kʊ yɪ cígá, \*Yuu-Tiu Yɪ tə, n nə wulə tə mɛ yuu wa. N b̀̀r̀̀r̀̀ t̀̀ə yɪ cígá cígá b̀̀r̀̀r̀̀, kʊ ga mɛ, sə kʊ ya nɔtʊ».

<sup>8</sup> Banɪa nii malika tə lwá ka wùrú zɔŋa tə yɪcəʊ tə yuu wa. Yɪcəʊ tə ma nɪ cwəŋə, sə kʊ dé lià tə də kʊ mən tə. <sup>9</sup> Kʊ b́́ŕŕ t̀̀ə dàń dí lià tə zənzən, yá də kʊ nɔtʊ mɛ, ba twɪn Yɪ də ba swìn sukukwɪnan ba pɪn ʊ yɪrɪ tə nə. Yɪ tɛntə nə jə diàn, ʊ mù nə pɪn yacara tɛntə yí ba. Yá ba lià tə ga wà s̀̀ɛ̀ɛ̀ ba vəvəri ba kwa, ba ma sá ba cʊna tə, sə ba pa dun Yɪ nə.

<sup>10</sup> Bonu nii malika tə lwá ka wùrú zɔŋa tə wojjiru tə padəʊ tə yuu wa. Kʊ payuu tə zən kʊ



jì yikunu bwálí. Lìà tɛ dǎn ga dɪŋɪ ba nɛndɛlɛ ba yɪra nɛ wùrì yɪrɪ. <sup>11</sup> Ba wulɛ ba twɪn Yɪ tɛ, ɔ nɛ wulɛ ɔ sǎn nɛ, yawurɛ tɛ dɛ ba yɪra nɔran tɛ yɪrɪ. Yá ba ga bá sɛɛ, sɛ ba vɛvɛrɪ ba kwa, ba ma sá ba tɔtɔnkɔkwɪnan tɛ.

<sup>12</sup> Bardɔ nii malɪka tɛ lwá ka wùrú zɔŋa tɛ ɔfɛratɛ mɔnaa nɛfarɔ tɛ wa. Kɔ níá tɛ zɛn tɛ dǎn wɔ, sɛ tɛ yá cwɛŋɔ, tɛ pa pɛɛgá tɛ nɛ, ba nɛ naŋa yɪ yɪpɪan con ba biàn. <sup>13</sup> À ni \*zinɛ batwa, tɛ nɛ yɪ ndɛ nyɛnswɛrɛn nɛ, dɛ tɛ naŋa tɪdɛn tɛ, dɛ wojjiru tɛ, dɛ kɔnkɔn sùsùnù nii nɛ. <sup>14</sup> Tɛ yɪ \*zinɛ tɛ nɛ jɛ \*Sɪtana diàn tɛ ma tɔŋa ɔ diàn mɪmɪnɔ. Tɛ mù zinɛ batwa tɛ vɛli tɪa mama yuu pɛɛgá tɛ con. Tɛ vɛli, sɛ tɛ kɛ ba duɛn yáá, sɛ tɛ ma ta kùdɛ dɛ Yɪ tɛ, ɔ nɛ wulɛ tɛ mɛ yuu wa, dɪn nɛfarɔ tɛ nɛ, ɔ nɛ lɪ ɔ tɪn.

<sup>15</sup> Yá Zwezi swɪn à con, ɔ wú: «Á cɔga zɛni, à biàn, sɛ à di á yuu ndɛ ŋwìàn nɛ. Pupwɛn liù nɛ yɪ liù tɛ, ɔ nɛ ba dwɛɛ kɔ mǎŋá tɛ wa, ɔ ga jɛ ɔ ganan ɔ yɪra nɛ, ɔ dǎn ká va dɛ yaswɛlɛ, sɛ ba na ɔ cavɪra». <sup>16</sup> Zinɛ tɛ dǎn ken pɛɛgá tɛ duɛn nɛ, bwálí tɛ wa, ba nɛ boŋɛ dɛ \*Ebɛrɛ sugɔ, ba wú: <Arɛmagedon>.

<sup>17</sup> Barpe nii malɪka tɛ lwá ka wùrú zɔŋa tɛ lanworu tɛ wa. Kori tɛ, nɛ jɛ diàn zɛn kɔ baa, kɔ nan Yɪ diɛ tɛ wa, padaɔ tɛ con, kɔ swɪn, kɔ wú: «Kɔ fwa, kɔ zwɛɛ!» <sup>18</sup> Dwà pɪpɪlɪ ka baa, kwɛrɛ duɛn dɛ yɪn lá, tɪa tɛ ga vuvugu. Kɔ nɛ zɪɪ mǎŋá tɛ mama, lɛzoni nɛ wulɛ tɪa yuu wa, tɪa yá tɛ wá vuvugu zɛnzɛn kɔ yí nɛtɔ. <sup>19</sup> Tɪɔ nɛfarɔ tɛ, ba nɛ boŋɛ \*Babilɔnɛ tɛ, dǎn pwɛɛ twɛrɛ batwa, yá dwíé tɛ lɔɔ mama wa tɪfaran

tə mama dàń tva. Yı wà kú tə, Babilónə tián nə fwa tə yoo swèéé, yá ɔ cùgù ba. U lɔŋa tə zàn ba yuu wa zənzən, ndə ba nə lwá swana ba sú wùrú zɔŋa, ba pa ba nyɔ ba bɔbɔni. <sup>20</sup> Mɔɔ tətəŋi wa tián tə mama jén, yá pɛɛn tə də kùb ba na. <sup>21</sup> Dwakafina nəfaran nan yı, tə twi là tə yuu nə. Tə dwakafina təntə nədu mama yá yı kilo də kilo. Yá ləzoni tə dàń wulə ba twın Yı, dwakafina tə nə kəni yacara ba nə yıri. Ba twın wá, tə yacara təntə nə dáá zənzən tə ja lɛ tə yıri.

## 17

### *Kacwaran yáá tíú tə yoo (Apokalisè 16.19, 18)*

<sup>1</sup> Kú kwa nə, \*malıke barpe, tə nə jə wùrú zɔŋı barpe tə wa, malıka don twi ka swın à con, ka wú: «Bàá yəbə! À wá bırı mú bürà tə nə wá ja kacwaran yáá tíú tə nətɔ. Kú mù kacwarɔ təntə yı tıɔ tə, kú nə lwè naconı kapɔɔ nii nə. <sup>2</sup> Tıa yuu pèegá tə fwa bacwan də kú mù kan təntə. Kú twá də ɔ mù kacwaran yáá tíú təntə, tıa yuu là ma zɔ bacwan wa, ndə ba nyɔa swana ba bɔbɔni».

<sup>3</sup> Yı-\*Sıŋu tə cuə à yuu wa, malıka tə ga tı nə, ka ja va ka tún kasɔɔ lanworu wa.

Kú bwálı tə wa, à nı kan də ɔ jèə wojijiru don nəsián mwın yuu wa. Kú yá jə yun barpe də nyɔran fugə. Kú yıra mama yá súé də yıra tə nə púpúná, tə nə twın Yı. <sup>4</sup> Kú kan tə zɔa gansıan mwın də gansısıɔɔ. U nán ɔ tián də síán də kapana wonanan də zanan. U yá jə síán wùrú

zɔŋa ɔ jìàn wa. Kɔ síán wùrú zɔŋa tɛntɛ yà súé dɛ caviyɛn dɛ durɛn, tɛ nɛ nan ɔ kacwan tɛ wa.

<sup>5</sup> Yiri don púpúní kan tɛ tɛlí nɛ, kɔ nɛ yi yosɛgu. Kɔ yiri tɛntɛ nɛ yi \*Babylonɛ tiv nɛfarɔ. Kɔ mù nɛ yi kacwaran tɛ dɛ tia yuu caviyɛn tɛ dɛkuu.

<sup>6</sup> À nɛ kɔ kan tɛntɛ dɛ ɔ nyɔa jana ɔ sú, ndɛ swana nɛ jɛ wá. Jana tɛntɛ yi là tɛ, ba nɛ gɔa ba nɛ yi \*Kerisɛ nɛ ti, tɛ yiri, dɛ ba nɛ swìn Zwezi cígá tɛ, ba biri tɛ yiri. À nɛ nɛ wá, kɔ gwári nɛ. Kɔ cígá gwári nɛ zɛnzɛn.

<sup>7</sup> Malika tɛ dàń ma swìn à con, ka wú: «Bèèè nɛ pɛn, kɔ gwári mú? Kɔ nɛ yi wojjiru tɛ nɛ jɛ yun barpe, dɛ nyɔran fugɛ tɛ, dɛ kan tɛ, ɔ nɛ jèó kɔ yuu wa yoo, à mù wá biri mú kɔ yosɛgu tɛ.

<sup>8</sup> Wojjiru tɛ, n yà nɛ nɛ dɛ kɔ wulɛ tɛ, kùò tɛlɛ. Kɔ dàń nɛ wá pìi kɔ nan buɔ tɛ, kɔ dàń nɛ lù zɛnzɛn, tɛ wa, kɔ va jíún bwálí nɛ kɔ cùgù míámíán. Yá kɔ wá gwári tia yuu lɛzoni tɛ, Yi nɛ wà ba yira púpúní mu sagi tɛ wa, kɔ nɛ zigi máná tɛ, ɔ nɛ fwa lɔɔ. Kɔ wá gwári ba, dɛ ba nɛ wá na wojjiru tɛ, dɛ kɔ yin lá, kɔ ga kùò tɛlɛ, yá kɔ tɛ wá pìi kɔ bà kɔ nan.

<sup>9</sup> Mɛ yəbɛ nɛ yɛnu dɛ wɔbɔŋa mɛ tɛ ya lá. Yun barpe tɛ biri pɛɛn barpe tɛ, kan tɛ nɛ jèó tɛ yuu wa. Yá tɛ mù tɛtɛ nɛ kùò biri pèegá barpe tɛ dɛ.

<sup>10</sup> Ba pèegá barpe tɛ wa, pèegá bonu tɛa. Bardɔ nii pìù tɛ tɛ wulɛ ɔ dé ɔ pàrì síún. Ba talikwa pìù tɛ tɛ wà twi. Yá máná tɛ, ɔ dàń nɛ wá bà, ɔ wá dé ɔ pàrì tɛ máná mancɛn wa. <sup>11</sup> Wojjiru tɛ, kɔ yà nɛ yin lá, kɔ ga kùò tɛlɛ tɛ dɛ tɛtɛ biri nana nii pìù don. Kɔ dɛ tɛtɛ yi pèegá barpe tɛ wa pìù don. Yá máná tɛ wa, kɔ mù nɛ wá bà, kɔ wá va

jíún bwálí nə, kv cùgù míámíán. <sup>12</sup> Nyvran fugə tə, n nə ni tə, biri pèegá fugə tə, ba tə nə wà pàrì ni, sə ba dé. Yá ba wá na pàrì, ba dé lugu nədu də wojjiru tə. <sup>13</sup> Ba pubuŋa yoo yi nədu, ba dàń ga pɪn ba diàn tə, də ba pàrì tə wojjiru tə nə. <sup>14</sup> Ba wá zìn kùò də liù tə, v nə yi ndə \*pabiə tə nə. Yá v wá ta ba v dé, v nə yi yun tián tə me \*Yuu-Tiu, də pèegá tə me Pìú, tə yiri. Yá v mù də lià tə, v nə kúrí v li v tún, ba nə sèe v nii də pùé nədu, wá dé diàn pèegá tə yuu wa də wá».

<sup>15</sup> Malika tə kùò pií, ka swìn à con, ka wú: «Níá tə, n nə ni də kacwarv tə jèé tə yuu wa, luv nii mama lià, də púlé tə mama, də luv dwié tə mama, də suyirə mama lià nə tə biri. <sup>16</sup> Yá nyvran fugə tə, n nə ni də wojjiru tə wá ti dɔŋi də kacwarv tə. Tə wá jon kv tə mama, kacwarv tə nə jə, tə ga wá yá wá yaswələ. Tə wá dé v yira nàŋú tə, tə ga dɪli kv gɪganɪ mən wa. <sup>17</sup> Yu ken tə pubuŋa wa, sə tə tun, tə twá kv tə nə, v nə dí yáá v tanɪ v tún, sə tə tun də pubuŋa nədu. Yá tə dàń wá pa tə pàrì tə wojjiru tə nə, kv ja vèli máńá tə, Yu sùràn tə mama nii nə wá bà, tə sú. <sup>18</sup> Kan təntə, n nə ni tə, nə biri tɪfarv tə, kv nə dé diàn, tia pèegá tə me yuu wa».

## 18

### *Babilɔnə tvri tə yoo*

<sup>1</sup> Kv kwa nə, à ni \*malika don, ka nan Yu \*sàń nə, ka cú. Ka malika təntə yi diàn nəfarv tíú. Yá tia tə dàń pɪrv də ka dun tə. <sup>2</sup> Ka zìn ka kori ka kə yi nə, ka wú:

«Kv tva, \*Babylonè tiv nɛfarv tɛ tva buuu. Kv jigɛ \*zinɛ diè, kv jigɛ bwálí, zinɛ yiri mama, dɛ zɛhɛ kɔkwɪnan yiri mama, ba nɛ culi, zwi tɛ sɛgɛ kv wa. <sup>3</sup> Babylonè tɪfarv tɛ tva, kv tiv tɛntɛ tián pɪn, dwíó tɛ lɔv mama wa twá ba nɛ, tɛ zv bacwan wa, ndɛ ba nyva swana ba bubunɪ. Yá ba pɪn, tia yuu pɛegá tɛ twá, ba zv bacwan wa. Ba tɛ pɪn, tia yuu baywɛlɛ tɛ dɛ twá ba jɪjɛ nɛfarv tɛ nɛ, ba jì jɪjɛ tián».

<sup>4</sup> À nì kori don, kv nɛ nan Yɪ sàń, kv bà, kv wú:

«Á naɲa, á yá kv tiv tɛntɛ, á mù là tɛ, á nɛ yɪ à mù là. Á naɲa lá, sɛ á dànà ká twá á tɔn ba cɔna tɛntɛ. Á naɲa lá, sɛ á dànà ká twá á dɛ ba yacara tɛ. <sup>5</sup> Cígá, cɔna tɛ, ba nɛ fwa, tɛ dáá zɛnzɛn duɛn yuu, tɛ di tɛ jɛ yɪ nɛ. Yɪ wà Babylonè tián kunkun yìèn tɛ swèéé. <sup>6</sup> Á fwa kv tɛ, tiv tɛntɛ tián nɛ fwa á yɪra, á ma ɲwɪn ba. Á ɲwíán ba cɔna tɛ, ba nɛ tɔn á yɪra nɛɛ bɛlɛ, á pa ba. Ba jɛ swana wùrú zɔɲɪ, ba nɛ ma pɪn aba swana á nywɪn. Á lwíá swana tɛ nɛ dáá, tɛ doni ba swana tɛ nɛɛ bɛlɛ, á kɛ ba wùrú zɔɲɪ tɛntɛ wa, á pa ba dɛ nɛ, sɛ ba nyv. <sup>7</sup> Nɛtv tɛ, ba nɛ bɪrɪ ba dun, ba ga tɔɲa jɪjɛ yìèn, mɛ nɛtv nɛ, á mɛ, sɛ á kɛ ba càndɛ pucɔnɪ wa. Á mɛ, sɛ á fwa ba nɛtv. Ba swɪn ba waa con nɛ, ba wú: <Nɛ yɪ ndɛ pakan nɛ, v nɛ tà kadɛnu, v ga wàrɪ pucɔnɪ v nɪ abada.> <sup>8</sup> Kv mù tɛntɛ yɪrɪ nɛ, kv yacara tɛ mama wá bà naa nɛdv.

Tə càn təntə nə yi tian, pucvni, niən də mən, tə nə wá dé kv tiv tə. Kv wá fwa nətɔ, \*Yuu-Tiu Yu tə, ɔ nə bɔ̀rì kv bɔ̀rà, sə ɔ cògò kv, nə yi diàn tiú tə yiri».

<sup>9</sup> Tia yuu pèegá tə mama, ba nə fwa bacwan, də kv mù tiv təntə tián, ba nə ni tori ba jɔ̀jə wiən tə wa, wá kwi yinia, ba ga ya pucvni wa tiv tə tɔ̀ri tə yiri. Ba wá fwa kv nətɔ tə, máɲá tə wa, ba nə wá na mən, tə nə dé tiv tə, nywìń də tə zaɲa, tə di yu. <sup>10</sup> Ba wá zɔ̀gɔ̀ kwa kwa, tə càn tə fən nə jə ba yiri. Ba wá swìn, ba wú:

«Lɛɛ yí, lɛɛ yí Babulɔ̀nə tɔ̀farɔ̀ tə! N yi tiv tə, kv nə jə diàn, yá n bɔ̀rà twi, ka bɔ̀rì naa nədɔ».

<sup>11</sup> Yá tia yuu baywələ tə də wá kwi yinia, yá ba ga ya pucvni wa, kv mù tiv tə yiri, liù nə kùò təlɛ́, ɔ yè ba yolu zɔ̀la tə yiri. <sup>12</sup> Tə zɔ̀la təntə yi: síán, də cɔ̀nia, də kapana wonanan zɔ̀la, tə yoo nə cà, də zanan, də gankɔ̀kalɔ̀ yiri mama tə duən, də ga yi nəstɔ̀n mwìn də wiən tə, ba nə fwa də dòò, tə nə zien. Də tə tə, ba nə fwa də tún yelə, də tə tə, ba nə fwa də tìú dòò tə, kv yoo nə cà, də wiən tə, ba nə fwa də cɔ̀nia, də tə tə, ba nə fwa də lugu, də kacuncɔ̀npwiən, wiən ba nə mà. <sup>13</sup> Kv súrí wiən tə, nə yi tɔ̀ralɔ̀ yirə yirə nə, də wiən duən, ba nə sɔ̀ri, tə lwán nə ywán, də swana, də nɔ̀ga, də dipen mun, də pamɔ̀na, də nɔ̀n, də pee, də səsən, də tərəkɔ̀rən, də ywəɲə. <sup>14</sup> Baywələ təntə dàń wá swìn, ba wú:

«N puswən wiən tə vəli yɔ̀ɲɔ̀ni, tə ga yá mú. Tə wiən tə mama, tə yoo nə cà, nə à yèé, tə

nə ziən yii wa, n kwìn tə nə. Yá tə kúò təló».

<sup>15</sup> Baywələ tə də nə yoli ku tu tə wa, ba jì jìjə tián tə, wá zıgı kwa kwa, tə càn tə fən nə jə ba, sə tə dàn ká yí ba, tə kə lá yırı. Ba wá kwi yinia, ba ga wá yà pucɔnı wa. Yá ba dàn wá swìn, ba wú:

<sup>16</sup> «Lee yí, lee yí tıfaru tə. Tıfaru təntə yà yı ndə kan nə ɔ zua gankıkalı, tə duən də ga yı nəstian mwin. Ʋ yà kwen ɔ tián də síán, də kapana wonanan tə yoo nə cà, də zanan. <sup>17</sup> Yá ɔ jìjə wiən tə mama dàn nyɔa lá, naa nədu cıci wa».

Lìà tə mama, ba nə virí níá yuu bwərə tə, də ba yun tián, də lià tə nə wulə tə wa, də lià tə mama nə tɔŋa muɔ tə yuu wa, dàn yà zıga yıŋɔnı. <sup>18</sup> Ba ywàń, ba na tu tə, nə dé mən tə nywìń, də tə zaŋa, tə dı yı nə. Yá ba dàn wá bubwi ba swìn, ba wú: «Tu yà təló, ku nə wáá ku maŋa də tıfaru ku tə.» <sup>19</sup> Ba lià tə dàn pèe purən, ba lwá ba yun wa, ba kwi, ba bubwi, ba ga kə ba tián pucɔnı wa. Ba dàn bubwi, ba wú: «Lee yí, lee yí tıfaru ku tə. Ku yı ku twá ku mù tıfaru tə nə, ba tə mama nə jə níá yuu bwərə muɔ tə yuu wa, ma jì jìjə tián. Yá ku zəzən ku cògò, ku jì tutu, naa nədu cıci wa».

<sup>20</sup> Yı sàń lià-ba, á yana pupwən wa, ku tu tə tɔrı tə yırı. Á mù lià tə, á nə yı Kərisə nə tı, də á mù Zwezi \*tontɔna-ba, də á mù Yı nii \*sùsùná-ba, á də yana pupwən wa. Yı nə bürı tu bürà, ɔ ma pa aba cígá yırı.

<sup>21</sup> Kù kwa nè, malika don, ka nè jè diàn, ti kapan, kù nè yì ndè kapan nèfaru nè, ba ma gà mun. Ka dilì kù muu tɛ wa, ka ga wú:

«Mè nètu nè, ba wá yigu Babilònè tu nèfaru tɛ, ba di tia dè diàn. Yá kù kùdè bá piì kù na. <sup>22</sup> Ba kùdè bá nì kondurè tɛ konkolu kori, dè gwaga tɛ gwaran kori Babilònè wa. Ba ma kùdè bá nì wii tɛ dè nabwanan tɛ kori kù wa. Ba kùdè bá na jùn tutuɲi liù mama, u nè fwa tutunyiri mama kù wa. Ba kùdè bá nì mun gàrán kori kù wa. <sup>23</sup> Cànú mèn poni kùdè bá ya kù tu tɛ wa. Ba kùdè bá nì fúru zèzugu kù wa. Kù wá yà nètu, kù baywèlè tɛ yà nè dwe tia yuu baywèlè tɛ mama yiri. Kù mù tu tɛntè tiàn ga nè tun ba cırı tɛ, ba ma gıgarı dwié tɛ luv mama wa, ba dugu. <sup>24</sup> Yá kù mù tu tɛntè waa nè, ba ni Yu nii sùsùnà tɛ jana, dè lià tɛ, ba nè yì Yu nyièn jana, dè lià tɛ mama, ba nè ken sù ba bian nè tia yuu wa, jana».

## 19

*Nètu lià nè bwi Yu nè Yu sàh tɛ wa  
(Apokalisè 18.20-24; 11.15-17; 21.1-5)*

<sup>1</sup> Kù kwa nè, à nì kori, kù nè jè diàn, kù nè yì ndè lakapupu nè swìn Yu \*sàh nè, kù wú:

«Alıbya! Nè nyina Yu nè jon nèba nè cuna wa. U mù nè ti dun, u ga jè diàn dè. <sup>2</sup> U bùrà tɛ yì cıgá bùrà, kù mɛ, sè kù ya nètu. U bùrì kacwaran yáá tíú tɛ bùrà, u yà nè cùgà tia yuu lià tɛ dè, u nè pın ba pèni duèn vɛvɛ tɛ. Yá u dãn fwìn u lıɲa kù kan tɛ yuu



wa, v ga cùgè wá v tùtùnà tē yiri, v ga bwe  
v tùtùnà tē jana tē bwiə v con».

<sup>3</sup> Ba lià tēntē nē wulə Yu sàñ nē tē, kùò pìi ba  
swìn nēē bēlē nii nē, ba wú:

«Aliluya! Ti v tē nē dé mēn tē, nywìñ yi tē zaŋa,  
mǎǎ dē mǎǎ, ku nē ba zwèe».

<sup>4</sup> \*Nəkwina sapva dē bania tē, dē wiən bania  
tē dǎñ tua Yu yáá con, ba pa wá dun, v nē jèó  
pada v tē yuu wa, ba swìn, ba wú:

«Aliluya, ku yi cígá!»

<sup>5</sup> Kori don nan pada v tē yuu, ku wú:

«Á bwia nē nyina Yu tē nē, á mù lià tē mē, á nē  
yi v tutunbia, á nē zilí wá! Á ləzwənbii dē  
ləzwənfaran pīan dun Yu nē!»

<sup>6</sup> Yá à nì kori, ndə lakapovv kori nē, ku ga yi  
ndə níá nē dáá, tē ga dəri tē biàn, ku ga yi ndə  
dwà nē baa dē diàn nē dē ku swìn, ku wú:

«Aliluya! Nē \*Yuu-Tiu Yu tē, v nē wulə tē mē  
yuu wa, tún v pàrì tē. <sup>7</sup> Nē pwèlé nē  
pùé, nē yana pupwən wa, sē nē ga pa dun  
\*pabiə tē, ka fúru tē mǎǎ nē yí yiri. Ka  
fúru kan tē tan v tiàn, v dànì ka. <sup>8</sup> Yá ba  
dǎñ pīn, v zv gankikala ku nē yi pari, ku  
ga pipili. Ku ganzəŋu tē biri lià tē, ba nē  
yi \*Kərisə nē ti, tutunan tē, tē nē yi cígá  
cígá yìèn».

<sup>9</sup> \*Malika tē swìn à con nē, ka wú: «Púpúní  
yìèn tē tē: Pupwən wulə dē ba tē, ba nē bon ba,  
ndə pabiə nē tē, fúru tē wa!» Ka tē ma kùò swìn  
à con, ka wú: «Tē yi cígá sùràn, tē nē naŋa Yu  
con». <sup>10</sup> À dǎñ ma tv ka nēē nē, sē à pa ka dun. Yá  
ka dǎñ swìn à con nē, ka wú: «Cī n tiàn nē, dàn

ká fwa ku yoo tǽntǽ! À dǽ yi Yui tutǽnbia, ndǽ n nǽ, à ga yi ba tǽ, ba nǽ yi n nubia Kǽrisǽ yiri, ba nǽ swìn v sǽgv tǽ ba biri lià nǽ, tutǽndon. N mǽ, sǽ n pa dun Yui nǽ mùú!» Ku yi Zwezi-Kǽrisǽ sǽywanǽ tǽ nǽ pǽn, Yui nii sùsùnà tǽ swìn v nii sùràn tǽ.

*Lìù tǽ, v nǽ òigà sisanpon tǽ yoo  
(Zwidǽ 15; 2 Tesalonikǽ tián 2.8)*

<sup>11</sup> Ku kwa nǽ, à ywanǽ, dǽ nǽn, Yui \*sǽn tǽ ku sùrí, sisanpon ga zǽga lá nǽ. Ba bonǽ liù tǽ, v nǽ jǽǽ ka yuu, pùǽ nǽdv tíú dǽ cígá tíú. V mù nǽ bùrì bùrà dǽ cígá, v ga yi cígá, v ma tǽ dǽ. <sup>12</sup> V yíá yi ndǽ mǽnvoǽ nǽ, dun yupurǽn, tǽ nǽ dáá, yà púǽ v yuu nǽ. V jǽ yiri don, ku nǽ púpúní v yira, liù don nǽ yǽrì, dǽ ku nǽ tà v tǽtǽ. <sup>13</sup> Yá v yà zva gandarv, ku nǽ swe dǽ jana. V yiri nǽ yi <Yui Sǽgv>. <sup>14</sup> Kwatara tǽ nǽ wulǽ Yui sǽn nǽ púǽ v kwa sǽsenpwǽnǽ yuu wa. Ba zva gankíkalan nǽpwǽnǽ, tǽ nǽ yi parì. <sup>15</sup> Lagǽrì sùú, ku nǽ jǽ nii fula fula, nanǽ liù tǽ, v nǽ jǽǽ sisanpon tǽ yuu, nii wa. Ku mù nǽ wá ta lǽv dwíǽ tǽ mama wa. V wá dé pǽrì ba yuu wa dǽ diàn. V wá pa Yui tǽ, v nǽ wulǽ tǽ mǽ yuu wa, liǽa zàn ba yuu wa, ndǽ ba nǽ titagi kaccan zǽv nǽfarv wa, sǽ ba li tǽ níá nǽtv. <sup>16</sup> Yiri púpúní v gandarv tǽ dǽ v ciin yira, ku wú, v yi: «Pǽǽgá mǽ Pìú, yun tián mǽ \*Yuu-Tiu».

<sup>17</sup> À nǽ malíka don dǽ ka zǽga yǽcav tǽ wa. Ka zìn ka kori, ka kǽ yui nǽ, ka swìn zunǽi tǽ mama con, tǽ nǽ pǽri yui nǽ ban ban, ka wú: «Á biàn yǽbǽ, á kun duǽn nǽ, á dé Yui cànà nǽfarv tǽ!

18 Á bìàn, á dé pèegá nàṅú, də pamana yun tián nàṅú, də ladıra nàṅú, də səsən, də lià tē nē dīgà tē nàṅú! Á bìàn á dé ba tē nē tɪ ba tián, də ba tē nē yɪ ywəŋə nàṅú, də ləzwənbii nàṅú, də ləzwənfaran nàṅú!»

19 Yá à dàń nɪ wojjiru tē, də tɪa yuu pèegá, də ba kwatara, ba twi ba kun duən nē, sə ba mù də liù tē, ɐ nē dīgà sɪsan tē, də ɐ də kwatara tē, ta kùù də duən. 20 Ba dàń ma ja wojjiru tē də kunkun sùsùnù. Liù təntə fwa dɪàn mɪmɪnɐ wojjiru tē yáá con. ɐ gɪgarɪ lià tē, nē pɪn ba fwa wojjiru tē mɪmɪnɐ tē ba yɪra, ba ga twɪ ku nɪɪnɪga tē yáá con, ba pɪn ku dun. Ba dɪli tē mama bələ mənvoɔ nəfarɐ wa də tē nəŋə. Bwálɪ təntə wa, mən tē yɪ tē dé də tē wa jirəbuu. 21 Ba kwatara tē giganɪ tē mù yɪ liù tē, ɐ nē dīgà sɪsan tē, lagurɪ sùù tē nē naŋa ɐ nii wa tē, nē gva ba. Zunɪ tē mama dàń ma zɔzɔgv ba nàṅú, tē sú.

## 20

### *Bɪna mùrù pàrì tē yoo (Apokalisè 5.9-10)*

1 Ku kwa nē, à nɪ \*malɪka, də ka nan Yɪ sàń ka cú. Ka jə buɐ tē, ku dən nē lù zənzən, borbiu də banzala nəfarɐ ka jɪn wa. 2-3 Malɪka tē jɪn tɪdən tē, ku nē yɪ dən nədwən tē, ku nē yɪ <\*zinə pìù> kukwɪɐn, ka mù ga nē yɪ <\*Sɪtana>, ka vwa. Ka dàń dɪli ku Sɪtana malɪke buɐ tē wa, ku dən nē lù zənzən tē, sə ku fwa bɪna mùrù. Ka tagu buɐ tē nii də borbiu, ka ga mà tanpən lá nē. Ku nətu dàń wá pa, ku kùù bá pìí, ku gɪgarɪ dwíé tē lɐu mama wa, ku ja vələ bɪna mùrù (1 000) tē, ka

zwèe. Ku kwa nè, ku mε, sɛ ba kùrì ku, ba dɔgu máná mancun wa nè.

<sup>4</sup> À nɪ padaran, là nè jèó tɛ yuu wa. Là tɛntɛ yà nɪ cwɛŋɔ, sɛ ba bùrì là bùrà. À nɪ là, ba nè tɪga, jèrí. Ba là tɛntɛ yɪ ba za ba gu, ba nè swìn Zwezi-\*Kèrisɛ sɔywánú tɛ, ku nè yɪ Yɪ sɔgu tɛ, ba bɪrɪ, tɛ yɪrɪ. Là tɛntɛ vɪga, sɛ ba tɔ wɔjɪjɪrɪ tɛ dɛ ku nyɪnyɪga tɛ yáá con, ba pa tɛ dun. Ba là tɛntɛ vɪga, sɛ ba kɛ wɔjɪjɪrɪ mɪmɪnan tɛ ba tɛlɛ dɛ ba jun nè. Yá ba là tɛntɛ dàń nè pɪí ba bwin ba wulɛ mɪ wa, ba ga wulɛ, ba dé pàrì dɛ Zwezi-Kèrisɛ, ku ja vɛlɛ bɪna mùrù. <sup>5</sup> Mɛ tɛntɛn tɪga ka bwin ka nan tɛ nè. Tɪga tɛ duɛn tɛ mù bá pɪí ba bwin, ku ja vɛlɛ bɪna mùrù tɛ ka zwèe. <sup>6</sup> Là tɛ, ba nè twá ba wulɛ tɛntɛn tɪga tɛ ka bwin ka nan tɛ wa, yɪ pupwɛn là, ba ga yɪ \*Kèrisɛ nè tɪ ba. Bɛlɛ nii tɪan tɛ ba dɪàn jɛ ba mù yuu wa. Yá ba dàń ya Yɪ dɛ Kèrisɛ \*jɔŋwana, ba ga wá yà dɛ wá, ba dé pàrì, ku ja vɛlɛ bɪna mùrù tɛ ka zwèe.

### *Sítana tɔrɪ tɛ yoo*

<sup>7</sup> Máná tɛ, bɪna mùrù tɛ nè wá zwèe, ba wá kùrì \*Sítana, ba lɪ v bɔv tɛ wa, ku yà nè yɪ v bán dɪè. <sup>8</sup> Yá v dàń wá nan v va, sɛ v gɪgarɪ dwíé tɛ lɔv mama wa, ba nè wulɛ tɪa tɛ sapara banɪa tɛ wa. Lɔv níé tɛntɛ yɪra nè yɪ Gɔgɔ dɛ Magɔgɔ\*. U ken duɛn yáá nè, sɛ ba ta kùbù. Ba nii wá yà dání, ndɛ muv nii kasɪv nè. <sup>9</sup> Ba dàń nan bwálá mama ba bà, ba kun duɛn nè bwálá nɛdɔ. Yá ba dàń vɛlɪ ba kɪkarɪ là tɛ, Kèrisɛ nè tɪ ba, bwálí

\* **20:8** 20.8 Mɛ nɛtɔ ba bɔŋɔ là tɛ, ba nè yɪ Yɪ là tɛ dɔŋa tɛ.

tə wa, ba nə wulə tiv tə, Yui nə swə zənzən tə wa. Yá mən dàń nan yui nə tə cú, tə dé ba mù lià təntə, Sıtana nə ken duən yáá nə, tə gv. <sup>10</sup> Ba dılı Sıtana, v nə gıgarı ba tə, mənvoov nəfarv də tə wa jirəbuu wa. Mə bwálí təntə wa nə ba dılı wojjiru tə də kunkun sùsùndò. Ba mama dàń wá dé càn yıcau də tıtın máńá də máńá, kv nə ba zwèe.

*Talikwa b̀̀rà ka b̀̀r̀̀ yoo*

*(2 Piyerə 3.7-12; Zwan 5.26-29; Tɔtɔnan 17.30-31)*

<sup>11</sup> Kv kwa nə, à nı padav nəpon nəfarv də liù, v nə jèé kv yuu. Tıa tə də lanworu tə dəri tə jén v yáá con. Tə yà kù̀̀ t̀̀lé. <sup>12</sup> Yá à dàń nı tıga tə mama, ləzwənbii də ləzwənfaran, ba zıga padav tə yáá con. Ba sùrú saga, ba ga sùrí sagı don də, kv sagı tə nə yı mı sagı. Ba twá kv tə nə púpúnı saga tə wa nə, ba ma b̀̀r̀̀ tıga tə b̀̀rà, ndə ba tɔtɔnɛə tə nə bırı nətɔ. <sup>13</sup> Muv pın tıga, ba nə mé kv wa, tıan də tıga bwálí də pın tıga, tə nə wulə tə con. Ba dàń twá ba tıga tə tɔtɔnan nə, ba ma b̀̀r̀̀ nə ba liù mama b̀̀rà. <sup>14</sup> Ba dılı tıan də tıga bwálí nə mənvoov nəfarv wa. Mə kv mù yı nɛə bələ nii tıan tə. <sup>15</sup> Ba dılı liù mama, v yırı nə wà púpúnı mı sagı tə wa, mənvoov nəfarv təntə wá.

## 21

*Lanworu nədɔn də tıa nədɔn tə yoo*

*(2 Piyerə 3.13-14; Romə tıán 8.17-18)*

<sup>1</sup> Təntən lanworu tə də təntən tıa tə nyva lá. Muv də yà kù̀̀ t̀̀lé. Yá à dàń nı lanworu nədɔn

də tɪa nəðvɪn. <sup>2</sup> Kʊ kwa nə, à nɪ tɪv tə, kʊ nə Yɪ nyɪən, kʊ nə yɪ \*Zwerizalemə nəðvɪn tə, də kʊ nan yɪ nə Yɪ \*sàh nə, kʊ cwɪ. Yɪ yà kwɛn kʊ ndə fúru kan nə kwɛn v tìàn nətʊ, sə v ma jérɪ v bari. <sup>3</sup> À nì kori, kʊ nə jə dɪàn, də kʊ baa, kʊ nan padaʋ tə con, kʊ wú: «Nèh, Yɪ dahn wulə ləzoni tətəŋi wa. U wá yà də ba, ba ga wá yà v mù là, ba nə nan dwíé tə mama wa. Yɪ tətə dahn wá yà də ba, v ga wá yà ba Yɪ. <sup>4</sup> Yá v wá mùrí ba yɪnɪa mama. Tɪan, də pucvɪ, də bubwiə, də càn kúð bá ya lá, təntən wodvra tə mama nə nyva lá yɪrɪ».

<sup>5</sup> Liù tə, v nə jəé padaʋ tə yuu, ma swìn, v wú: «Nèh, wiən tə mama yɪ wodvra nə à pìi à fwa». U tə ma swìn, v sùrí lá nə, v wú: «Púpúní sùràn tə tə n tún. Tə yɪ cígá sùràn, tə ga mɛ, sə là twá tə nə». <sup>6</sup> U swìn à con, v wú: «Kʊ fwa kʊ zwèe. Á yɪ Aləfa də Omega, kʊ mù nə yɪ à yɪ təntən liù, à ga yɪ yígúré liù də. Liù tə nanyvɪ nə jə, à wá pa wá nabuliyɪa tə kʊ níá nə pɪn mɪ, sə v nyv tɪv. <sup>7</sup> Liù tə nə wá ta v dé dɪàn lwanɪ yuu wa. À wá yà v Yɪ, v ga wá yà à biú. <sup>8</sup> Yá là tə, ba nə ba cwəŋə nəðv tì, də là tə, ba nə dʊgv Yɪ cwəŋə tə, də là tə, ba nə tɪŋa cavɪyɪən, də lagvra, də là tə nə cwàrɪ, də là tə nə fwa cɪrɪ yìèn, də là tə nə bʋɪ wɔŋwanan nə, də kʊnkʊna tə mama, ba mù là təntə bwálí yɪ kʊ wulə mənʋoo nəfarv də kʊ wa jirəbuu tə wa nə. Mənʋoo nəfarv təntə nə yɪ nəɛ bələ nii tɪan tə».

*Zwerizalemə nəðvɪn tə yoo  
(Ebərə-ba 11.10, 16)*

<sup>9</sup> Ku kwa nē, \*malika don twi à con. Malika tētē nan malike barpe tē nē jē wùrú zŏŋi barpe tē, tē nē súé dē talikwa yacara barpe tē wa. Ka swìn à con, ka wó: «Bàá yēbē! À wá biri mú fúru kan tē, liù tē, v nē yi ndē \*pabiē nē, nē kúri v swe».

<sup>10</sup> Yu-\*Siŋu tē cuē à yuu wa. Malika tē kùò ti nē, ka ja di paan nēfaru, ku yuu nē dara dē tia.

Malika tē dān ma biri nē tiv tē, ku nē yi Yu nyiēn. Ku mù nē yi tiv tē, ku nē yi \*Zwerizalemē tē, ku nē nan yu nē Yu \*sān nē, ku cwi. <sup>11</sup> Yu dun tē yā pìrì ku. Tiv tē yā pìpìli ndē kapana, ba nē ma nāŋà, ku dē nē pìpìli, ndē zēŋē nē, ku yoo nē cà, ba nē ma boŋē <zwasēpē>. <sup>12</sup> Béré nēfaru, ku yuu nē dara dē tia, yā kíkari tiv tē. Ku yā jē mimie fugē bēlē. Malike fugē bēlē yā cì mimie tē nē. Yira yā púpúní tē mimie tē yuu, tē nē yi \*Yizərayelē lià dwié dəkuren fugē bēlē tē yira.

<sup>13</sup> Yu yiptan con mimie batwa, jŋwŋe saporu tē con mimie batwa, jizēn saporu tē con mimie batwa, Yu yizwŋa con mimie batwa. <sup>14</sup> Béré tē yā yi ka ziga pìràn fugē bēlē yuu wa. Tē pìràn tētē lwiu tē nēdv mama yuu wa nē, ba púpúní pabiē tē tuntuna fugē bēlē tē yira lá nē.

<sup>15</sup> Malika tē nē swìn à con yā jē síán mu, ku nē maŋa wiēn, sē v ma man tiv tē, dē ku mimie, dē ku béri. <sup>16</sup> Malika tē man tiv tē dānì dē ku wanì ku nā dē tē mama mē duēn. Ku man tiv tē dānì dē dōò tē, ku yā dwē kilometərə mùrù bēlē (2 000). Tiv tē wanì dē ku yuu tia ziga yā mē dē ku dānì tē. <sup>17</sup> Malika tē man béré tē, ku nì dē ku yi mēərə 72. Malika tē yi ləzoni nē maŋa wiēn nētū nē ku man.

18 Béré tē yī kapan tē, ba nē ma bonē <zwasēpē>, tē nē ba ma lwà kú. Tíu tē mama yī síán parí, nē ba ma fwa kú, kú ga yī ndē zēhē nē, kú nē pīpīlī. 19-20 Tíu tē dēkuu pìù kapana tē yī ba nān tē dē kapana yirē yirē, tē mama yoo nē cà. Tíu tē dēkurēn fugē bēlē tē nēdu mama yà jē kapan yiri don. Kapana tēntē yira nē yī: zwasēpē, safirē, kalēsīdvanē, emerodē, sarēdonikēsē, sarēdvanē, kērisolitē, berilē, topazē, kērizopērazē, dirēkvazē, ametisētē. 21 Mimīē fugē bēlē tē yī kapana fugē bēlē tē yoo nē cà. Mimīi mama yī kú fwa dē zāhū nēdu. Tíu tē kanporu yà yī, kú fwa dē síán tē nē yī parí, kú nē yī ndē zēhē nē, kú nē pīpīlī.

22 À wà Yī \*diè ní tíu tē wa. \*Yuu-Tiu Yī tē, ɔ nē wulē tē mē yuu wa, dē pabiē nē tē, nē wulē kú wa, yá lià tē ga pīn ba dun. 23 Tíu tē ba yīcau dē cānā pìà, sē tē pa kú poni. Yī dun tē dē yī liù tē, ɔ nē yī ndē pabiē nē tē, nē pìrì kú mama dē poni. 24 Dwíé tē lɔu mama wa wá yà kú poni tē wa. Tíu yuu pēegá tē dē wá ja ba jījē tē, ba bà kú wa. 25 Kú mimīē tē bá sun yīcau wa, abada. Títīn bá yà lá, kú mù nē pīn, tē bá sun. 26 Kú bwálí tē wa nē, ba wá ja dwíé tē lɔu mama wa jījē, dē ba dun ba nē pīn, ba ja bà. 27 Won tē, kú nē jē durēn bá zɔ lá. Liù tē nē tūŋa cavtyiēn dē liù tē nē kúnī kúnkún dē bá zɔ lá. Kú yī lià tē cīcī, ba yira nē púpúní pabiē nē tē mī sagī tē wa, nē wá zɔ lá nē.

## 22

<sup>1</sup> Kú kwa nē, malíka tē bírī nē mūnaa tē, kú



níá nè pín mu. Ku níá tē yi napwəne píri píri píri, ndə zəŋə nə pípuli nətu. Munaa tē níá yi, tē dəri tē naŋa Yu də pabiə tē padau tē con. <sup>2</sup> Tiu tē kanporu tətəŋi wa də muna tē bəbərən bələ tē yuu wa nə, tìú tē, ku yàá nə pín mu yà wulə lá. Ku tiu tē zɪŋa bia nɛɛ fugə bələ binu wa. Cànà mama, ku yàá zin bia. Tìú tē vuran tē yi ba ma ywarɪ dwíó tē lɔɔ mama wa, tē ga nə pín ba yazurə. <sup>3</sup> Won mama kùò bá ya lá, Yu nə wá cùgò. Yu də pabiə nə, padau tē wá yà tiu tē wa. Yu tutunbia tē nə wá pa wá dun. <sup>4</sup> Ba wá na ɔ yáá, ɔ ga wá púpúní ɔ yiri ba tɛlé nə. <sup>5</sup> Titi kùò bá ya lá, yá ba kùò bá pìà cànú mən, nə à yèé yicau poni, Yuu-Tiu Yu nə wá pa poni pìrì ba yiri. Yá ba dàń ga wá twá ba dé pàrì də Yu, ku nə ba zwèe máná də máná.

### *Zwezi túrí tē yoo*

*(Apokalisë 1.1-3, 7-8; Matie 16.27; Galasi tiàn 6.7-8)*

<sup>6</sup> \*Malika tē swìn à con nə, ka wó: «Sùràn tē, tē yi cígá sùràn, tē ga mɛ, sə lìà twá tē nə. \*Yuu-Tiu tē, ɔ pín ɔ \*Siŋu tē ɔ nii \*sùsùnà tē nə. ɔ mù ga nə tun ɔ malika, sə ka biri ɔ tutunbia tē yìèn tē, nə mɛ, sə ku bà síún síún». <sup>7</sup> Zwezi swìn, ɔ wó: Á cɔga zəni, à bìn síún síún. Pupwən liù nə yi liù tē, ɔ nə jə sagɪ ku tē sùràn tē, tē nə yi Yu nii sùràn ɔ wa con.

<sup>8</sup> Ku yi à mù Zwan nə nì, à ga na tē wiən təntə. Máná tē, à nə nì, à ga na tē wiən təntə, malika tē nə biri nə à zwèe, à tua tia ka nɛɛ nə, sə à pa ka dun. <sup>9</sup> Yá ka dàń swìn à con nə, ku wó: «Cɪ n tiàn nə, dàn ká fwa ku yoo təntə! À də yi Yu

tutunbiu ndə n nə, à ga yɪ ba tə, ba nə yɪ n nubɪa \*Kərisə yɪrɪ, ba nə yɪ Yɪ nii sùsùnà tə wa liù. À yɪ ba tə nə jə sagɪ kɪ tə wa sùràn tə ba waa con tə liù don. Pa dun Yɪ cɪcɪ nə!»

<sup>10</sup> Malɪka tə kùb swìn à con, ka sùrí lá nə, ka wú: «Dàn ká sègè sagɪ kɪ tə sùràn, tə nə yɪ Yɪ nii sùràn tə, máná tə nə bwələ yɪrɪ, swìn tə n bɪrɪ. <sup>11</sup> Liù tə, ɸ nə tələ cígá wa, mɛ, sə ɸ kwɛn ɸ nan cígá wa, ɸ sùrí lá. Liù tə, ɸ nə beri ɸ tìàn cɪna wa, mɛ, sə ɸ kwɛn ɸ beri ɸ tìàn, ɸ sùrí lá. Liù tə də ɸ nə wulə cígá wa, mɛ, sə ɸ kwɛn, ɸ ya cígá wa, ɸ doni. Liù tə, ɸ nə yɪ Yɪ nyiən, mɛ, sə ɸ kwɛn, ɸ tun Yɪ fɪra, ɸ doni». <sup>12</sup> Zwezi swìn, ɸ wú: «Á cɪga zəni, à biàn síún síún. À ja liù mama tutuŋɪ ŋwírán, à biàn, sə à ma ŋwín wá. <sup>13</sup> À yɪ Aləfa də Omega, kɪ mù nə yɪ təntən də talɪkwa liù. À yɪ təntən liù, à ga yɪ yígúré liù də.

<sup>14</sup> Pupwən lià nə yɪ lià tə, ba nə sɪn ba ganzwɪran, kɪ pa ba na cwəŋə, ba dɔ tìú tə bia, tə nə pɪn mɪ, kɪ tə pa ba na cwəŋə, ba twá Yɪ tu tə mimìə, ba zɪ kɪ wa. <sup>15</sup> Yá lià tə, ba nə tɪŋa cavɪyìən tə, ndə kukuri nə, də ba tə nə fwa cɪrɪ yìèn, də lià tə, ba nə cwàrì də duən vɛɛ vɛɛ, də lagura tə, də lià tə nə bwɪ wɔŋwanan nə, də lià tə mama nə swə kɪnkɪn, ba ga tɪŋa kɪnkɪn yìèn, ba lià təntə ba bwálí jə kɪ tu tə wa. Ba lià təntə wá mé kàrà wa».

<sup>16</sup> Zwezi kùb swìn, ɸ wú: «À mù Zwezi nə tun à malɪka tə, sə ka swìn tə yìèn təntə à lià tə púlé tə wa. À yɪ pìú \*Davidə dwíí tə wa biù. À mù nə yɪ jɪju naŋɔn tə, kɪ nə pèn kɪ pɪpɪlɪ tə».

<sup>17</sup> Yu-\*Siŋu tɛ dɛ fúru kan tɛ dǎn swìn, ba wú: «Bàá!» Liù tɛ, ɔ nɛ nɛ́n tɛ sùràn tɛntɛ mɛ, sɛ ɔ swìn, ɔ wú: «Bàá yɛbɛ!» Liù tɛ nanyɔni nɛ jɛ, ku tíú mɛ, sɛ ɔ bà ɔ nyɔ níá. Liù tɛ, ɔ nɛ pià níá tɛ nɛ pin mi, ku tíú mɛ, sɛ ɔ na tɛ tutu!

<sup>18</sup> À mù Zwan nɛ swìn liù tɛ mama con, ɔ nɛ nɛ́n Yu \*nii sùràn tɛ, sagi ku tɛ wa, à wú: «Liù tɛ, ɔ nɛ sùrí yoo tɛ nɛ, Yu wá kɛ wá yacara wa, ndɛ sagi ku tɛ nɛ biri, càn yirɛ yirɛ tɛ nɛtu. <sup>19</sup> Yá liù nɛ kúú li Yu nii sùràn tɛ sagi ku tɛ wa, ɔ dugɔ, Yu bá pa wá cwɛɲɛ, sɛ ɔ twá ɔ dé tìú tɛ bia tɛ nɛ pin mi tɛ. Yá Yu bá pa wá cwɛɲɛ, sɛ ɔ twá ɔ zu tiu tɛ wa, ku nɛ yi Yu nyiɛn, ndɛ ku nɛ púpúní Yu sagi tɛ wa». <sup>20</sup> Zwezi tɛ, ɔ nɛ swìn tɛ yiɛn tɛntɛ ɔ biri, nɛ swìn ɔ sùrí lá, ɔ wú:

«Cígá, à biàn síún síún».

Amiuna! Bàá Yuu-Tiu Zwezi!

<sup>21</sup> Yuu-Tiu Zwezi nɛ wá fwa pubwanɔ á mama yira.

**Yu soywánó sagı**  
**Nuni, Southern: Yu soywánó sagı New Testament**  
**Le Nouveau Testament en Nun**

copyright © 1999 Wycliffe Bible Translators, Inc.

Language: Nuni, Southern

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 21 Feb 2024 from source  
files dated 29 Jan 2022

d18530a7-7259-5f23-92b6-70e3abe5f3fa